



Mati 2020

O LE FA'ALIGA O LE TAIMI OGATOTONU o le tala'aga. Ua maua ai e le taimi se tū ogātotonu. O le minute ina ua ulufia e le fa'avavau le taimi ma avea ma tasi – o le lua o natura o Keriso, tagata ma le mamana, ua tu'u fa'atasia i le Peresona e tasi, i le manava o Maria a o tatala atu o ia e talia le Upu a le Atua.

O suiga tonu nei i le tausaga a le Eklesia i le vaitau o le Fagafulu. O le vaiaso i luma atu o le fa'amamaluina o Sagato Iosefo, le tane a le Taupou o Maria, o lē sa 'au fa'atasi ma Maria i le fa'atinoina o lo tatou fa'aolataga, tu'u atu lana pule lē leōa iā te ia, ma talia le galuega uiga 'ese ua fa'atuatuaina ai o ia – o le puipuia lea o Maria ma le Tamaititi, ma fa'apipi'i lenā tamaititi i le gafa o lese i le tu'uina atu i ai o le igoa o le aiga e pei ona fa'atulafonoina.

O le fa'aliliuina o le Evagelia a Mataio (1: 18 – 25) o lo'o finaua, aemaise le tulaga o lo'o tu'u ai e le Tusi Pa'ia Ierusalem, "O Iosefo fo'i lana tane o le tagata amiontonu ia, e le'i loto fo'i o ia ina ia fa'amāasiasi iā te ia i luma o tagata, ua ia manatu e fa'ate'a lemū iā te ia." O le upu "fa'ate'a" ua matuiā tele ma ua fa'auigaina i le fa'alogi i aso nei na fuafuaina e Iosefo e te'ena Maria ona ua talatane. Atonu e lē o ni ana fuafuaga na, aemaise lava (o le o tutusa ma upu na mulimuli mai) sa ia iloaina o Maria lana avā "auā o lana tō mai le Agaga Pa'ia lea" i lo se isi tamaloa. O le Tusi pa'ia na toe fetu'una'i (revised Standard Version) ua fa'aeteete tele, ua na ona fai mai "ua ia malie e auina atu o ia ma le filemū," masalo o se mata'u pa'ia i le misitelio tele e lē o a'afia ai o ia. I se isi va'aiga, ae ui i lea, o se folafolaga na sau ia Iosefo lava ia, a o ia manatunatu i se mea e fai, o se agelu i lana miti na fa'atonuina o ia e lē gata e ave Maria i lona aiga, ae ia

fa'aigoa le tamaititi o lesu.

E le tele ni fa'amatalaga e uiga iā Iosefo, vaganā fa'apea o ia ua "na o se" tane ma sa asiisi atu i ai agelu i ana miti, ma sa ia faia e pei ona fa'atonuina ai o ia – ae ua lava lenā e fa'ailoa mai ai o ia o se sagato lelei tele. Sa filifilia o ia i le puipuiga a le Atua e alofaina e le Taupou o Maria, ae faia ma tamā fa'alalo nei a lesu, ma tausī iā te ia i auala a ona tagata, ma avatu i ai se fa'atusa o le Tamā fa'alealagi e lē mafai ona ia va'ai i ai. Ae masani o Iosefo lava ia e maua atoatoa i ai le āta – le taimi i le tala'aga o le fa'aolataga sa i ai sana vaega tāua na ia fa'atino. O nisi o fa'atusa mai Sasae ua fa'aalia o ia o lo'o va'aiva'ai i le fanau mai o lesu, o nisi e manatu e foliga mai e masalosalo, pei e fa'ate'ia. O a ni lagona sa iā ia i lenā taimi tatou te leiloaina – atonu o lo'o tu'ua'ia o ia lava o lana avā ona ua fanaua le Alo o le Atua i le fale o manu.

O Sagato Iosefo la o se sulufaga lelei mo latou o lo'o tauivi i nei vaitau o le Fagafulu, latou ua leiloa le mea e la'a i ai le vae a o feagai atu ma o tatou amioga masani o le agasala, ma fa'alogoina le lē mautonu. Fa'alaina fa'aleagaga o se tulaga e masani ona o fa'atasi ma le vaitau o le salamō ua tatou i ai. Ae ui i lea o fa'ata'ita'iga a le 'au amiontonu, sagato lēleoa na puipui i ai le Aiga Pa'ia i taimi o le fa'aletonu, e mafai ona fa'auau pea le savali, usita'i pea i fa'atonuga ua aumai e le Atua, e tusa lava pe tatou te lē manino i o latou uiga i o tatou olaga. O lo tatou fa'atuatua e sili atu i lo le savali i le pogisa po'o le savalivali i le malae. Ae tāua le manatuaina ua na o le pogisā ua 'a'apa atu ai o tatou lima i se uō, i lo le taumafai e fai malaga to'atasi.

Manuia le Malaga atu i le Fagafulu

AFOGA KATINALE JOHN DEW



UÔ PELEINA

O le aso To'ona'i 22 o Fepuari o le sulufaga o le Nofoa a Sagato Peteru, o se sulufaga ua fa'amatalaina e Pope Ioane Paulo II o se "fa'asusuluina o le malamalama i se 'au'aunaga fa'apitoa a Peteru ua fa'amalosia mata'ita'ia ai le Ekalesia i le tu'u fa'atasia o le fa'atuatua na tu'uina e le Ali'i i le ta'ita'i a le 'au Apostolo." Sa ia fa'amatalaina e fa'apea o lenei misitelio o le tu'u fa'atasia e sau mai i le "Avatu la tatou pupula iā Keriso."

O le faigamalaga o le fagafulu ua tatou amatalia nei o Iona uiga o le "Avatu o la tatou pupula iā Keriso."

O le Fagafulu o se taimi e toe fa'alogi ai i le vala'au a Keriso ina ia "salamō ma talitonu i le tala lelei." O le vala'au mo le fa'aliliuga o tatou ta'ito'atasi o lo'o i le fatu lea o le fe'au a Iesu ma o lo'o manino lelei o lo'o i le fatu o le 'au'aunaga a Pope Faranisisi. O lo'o manino lelei mai le Pope e uiga i tulaga lea o TATOU UMA o lo'o vala'au pea lava pea ina ia liliu o tatou loto. I Iona ulua'i tausaga na avea ai ma Pope, i le sulufaga a Sagato Ikenasio o Lpyola sa ia fai mai ai i lana lauga – "O le fesili 'o Keriso o le ogatotonu o lo'u olaga?" mo

tatou, mo se isi lava o tatou, o le fesili e le tatau ona lē amana'iaina. E tatau ona amana'iaina ona e i ai lava le fa'aososoga e manatu o tatou o le ogatotonu; ma a tatou tu'uina i tatou lava ae lē o Keriso i le ogatotonu, ua tatou sasi ma tatou sēsē solo ai."

Ou te manatu o nisi o taimi o le fa'aososga mo i tatou o le mafaufau fo'i lea i le vala'au mo le liliuga a le tagata lava ia, ia "avatu la tatou pupula iā Keriso" e mo isi ma e lē mo a'u. I nei vaitau o le Fagafulu a vala'auina i tatou ina ia fa'alogi lelei i le Upu a le Atua, ua tatou iloa lea ina ia tatou mata'itū ai iā tatou va feagai ai ma Iesu, ae lē o isi mea e popole ai ma ma'imau ai le taimi.

O se tasi o ta'iala a Pope Faranisisi i lana galuega o le fa'afouga o le Ekalesia, ae maise le Kuria i Roma (sa talosagaina i se fonotaga aga'i atu i lona tofaina) o le fa'amamafaina lea o lenei masani e uiga i le liliuga fa'atagata. O lona uiga o le sua o loto, tu'uina Iesu i le ogatotonu o le olaga ma avatu o la tatou pupula iā te ia. Afai o Iesu o lo'o i le ogatotonu o tatou olaga, o va feagai ai ma isi o le a solosolo lelei, ma o mea e fa'apopoleina ai i tatou o le a alualu lelei – e o'o lava i le fesiligia o taimi o Misasa, o a mea o le a tutupu i "LA'U" palisi, ma le mafai ona feagai atu i le anoanoa'i o fesili ua aumai ua atagia mai ai ua tulaga lelei mea uma.

Ma Fa'amanuiaga uma Lava

+ Ioane

MAI LE OTI I LE OLA: ASO LULU O LE LEFULEFU SE'I OO I LE TOETU

FA'ALILIUINA FALANISISI ANAMANI

O le amataga o le Fagafulu tatou te fetaia'i ai ma le oti. Tatou te savalia sini autu o faigamalaga se'ia pa'ia upu faai'u o le malamalama ma le ola i le Afiafi o le Toetu. Ua aumaia e sauniga a le Ekalesia le anoanoa'i o faa'oloaga mo lauga i lenei vaitausaga pei ona tusia e **Gerald O'Collins SJ**.

I tausaga ua mavae, na ma feiloa'i ai ma se tasi o alii na o le tasi lava le mea na te iloa e uiga i le au Kerisiano. E aofia ai ni mea e masani ona fai e nisi o ana uō se to'alua i le falefaigaluega i tausaga ta'itasi. 'E tuua e la'ua le falefaigaluega i le itulā o vai'aiga o le aoauli' o lana tala lea, 'ma e toe fo'i mai, ua i ai se lefulefu ua iloga i o lā muāulu.' O le masani a ana uo ia i tausaga ta'itasi o le o i le falesa i le taimi o le sauniga o le Lefulefu.

O le Oti i le Vaitaimi o le Fagafulu

O le masani a le lalolagi, i le Aso Lulu i le vaitausaga o le Fagafulu, e faitau miliona tagata Katoliko ma nisi fo'i tagata Kerisiano e aga'i atu i falesa ma

paselika ona o le mafuaaga lava lea e tasi. E tuu e le pelepitelo sina lefulefu i o latou muaulu ma faapea atu i upu nei, 'Manatua o oe o le efuefu, e te toe fo'i i le efuefu.'

E faailoa mai e lefulefu i o tatou muaulu o tatou: o tagata o le lefulefu ma o lo tatou lava i'uga o le oti. O le faailoga o le lefulefu o le oti, o le taunuuga lea o loo si'omia ai tatou olaga ma e tatou te faanaunau e sosola ese mai ai.

Na ta'ua e se tasi o a'u uo Alapi e faapea, 'O o tatou olaga na fofoa mai i se fatu laititi na totoina, ma avea o se faaputuga lefulefu.' Ua faatusaina se faaputuga lefulefu lenei, ia i tatou ta'ito'atasi. E faigata ona iloa ma vaaia, ae peita'i e faigofie ona lelea ese ma vave mou atu.

O le tala mai le tusi o Kenese ua maua mai ai le gagana o le avea ma lefulefu ma toe fo'i atu i le lefulefu. Na faatamaoaigaina Atamu ma Eva i faamanuiaga o le foafoaga, peita'i sa

faasāina ona aai i le fua o le laau o le ola sa tu i le ogatotonu o le faatoaga. Faapea le tala, ua fili faatas i le gata le mea moni ma le mea pepelo i lona faapea atu ia Eva: 'e te le oti. Ua silafia e le Atua, o le taimi e te ai ai i lenei laau, o le a pupula ai o ouluu mata.'

Ina ua mae'a ona ai e Eva ma Atamu le laau na faasāina, ua pupula o la'ua mata. Ua malamalama i la'ua ma la iloa ai le lelei ma le leaga. Ua liua lo la'ua fiafia, faapea foi le la'ua mafutaga ma le Atua ma le si'osi'omaga o loo si'omiaina ai i la'ua. Ua fetalai atu le Atua ia Atamu: 'e te ai foi au mea e ai ma le afu o ou mata, se'ia e toe foi atu i le eleele, auā na faiina a'i lava oe, auā o le efuefu oe, e te toe foi atu lava i le efuefu' (Kenese 3: 19).

E amata le Fagafulu i le Aso Lulu o le Lefulefu e ala i le manatuaina o le ulufale mai o le oti i o tatou olaga. Tatou te tomanatu ai i upu a Sagato Paulo na faapea mai: 'peiseai a oti, faauta foi, o loo ola i matou' (2 Korinito

MAI LE OTI I LE OLA: ASO LULU O LE LEFULEFU SE'I OO I LE TOETU

6:9). Pei ona ta'uā e se tasi tusitala lauloa Amerika o Tennessee Williams 'ua faatumuina le ola i le oti'.

E amata ona tatou tāli oti mai le taimi faato'a amata ai o tatou olaga. E i ai le oti i le taimi lava faato'a tatou feola ma soifua mai ai i lenei lalolagi. Pei ona tusia e se isi tusitala o Dylan Thomas faataatau i lona fanau mai: 'i le ofuofu o le faitoto'a masani e ulufale mai ai, sa ou taoto faapei o le a su'iina mo a'u se pulupulu mo se faigamalaga' Ua fanauina ia e lona tinā 'i tala ane o le tuugamau.'

O le oti o se vaega o le olaga – o vaega tāua o le olaga e mou atu ma vaega tuu faafeagai e le mautonu pe femèmèa'i. O sekone ta'itasi o lo tatou soifuaga e iai lava le maliu ma le oti, e le umi ae mavae ese atu le taimi nei, ma avea ma taimi ua tuana'i. O le mea moni lea e uiga i le olaga o loo tatou i ai nei i le taimi nei. Tatou te iloa o 'nei ma le taimi nei.' E mou ese atu le taimi e pei o le oneone mai o tatou tamatama'i lima. E mautinoa e mavae mea uma, e lè tumau.

E i ai se lagona tāua i taimi o Fagafulu ta'itasi, i aso ta'itasi ma taimi ta'itasi o lo tatou olaga. O loo faapea mai le Tusi ia Eperu: "Pei ona tofia foi mo tagata ia tasi lo latou oti" (9:27). O lea e ao ai ina tatou olaina ia Fagafulu ta'itasi, ma olaina aso ta'itasi, ma minute ta'itasi" Na ola ai mo e to'atele, e mou atu taimi nei ma i tatou, ma e le mafai ona sua.

Atonu tatou te toe tepa i le Tusi iā Eperu ma faapea mai: "ua atofaina mo i tatou ia ola tasi lava mo lea aso" O le ola tasi lava lea mo le to'atele, i aso ta'itasi o lo tatou olaga e oo atu lea i se oti puupuu poo le moe. Ua faatusaina i aso ta'itasi o lo tatou olaga, pe sa lelei pe na leaga lo tatou olaina, a te'a atu lea aso, tusa ua oti, pe ua mavae atu, e le toe maua mai, e le mafai ona tatou toe sua. E faaaauau pea ona tatou puapuagatia i le tāli oti i le ala o loo tatou savalia nei aga'i atu i le i'uga poo lo tatou oti faai'u.

O nei mafaufauga faataatau i le oti, e le faavaivai ai i tatou mai lo tatou i'uga. Pei o tusitusiga a Thomas à Kempis ua ta'uā o 'Faata'ita'iga iā Keriso' Afaí ae iai se taimi na e vaai ai i se tasi ua maliu, ta'utino ma faapea ifo i lou loto, o le auala lava lenei e tasi e tatau foi ona ou

savali ai.

E le galio i tagata asiisi i Santa Maria Novella, i totonus o Florence upu o loo tutsi i lalo o se tasi o ata lauloa o le faakoluseina na tusia e Masaccio. E faapea ona fatauina e le tagata asiisi: '*O oe i le taimi nei, sa ou faopenā. O a'u i le taimi nei, e i ai le aso e te faapea ai'* O le tulaga moni lava ia e le mana'omia le tatou so ona popole nauā i le oti, peita'i ane ia iai so tatou malamalamā'aga mausālī ina ia tatou iloa mautinoa, o mea uma tatou te faia pe tatou te lè faia foi i lenei olaga, o le tala'aga lenā o lō tatou olaga faaletagata o le a faamuta pe tapunia e le oti.

I le itū i Saute o Roma, i luga atu o le nuu o Castel Gandolfo, e iai maota malolo iai Tupusā i taimi o le tau mafanafana, e iai se fanua maliu i le taufaasi'us'i'uga o se fanua mapu'epu'e o loo tu ai iina. O loo faasino i ai se tasi o faailoga o le auala e faapea lona fatauina: 'Fānuao. Tasi le auala.' E toe foi mai tagata mai le taua, mai malaga i le vateatea, faapea ni faigamalaga i nisi vaega tuufua o le lalolagi. Latou te faamatala mai mea na tutupu. E leai se isi e toe foi mai le oti e faamatala mai ia i tatou pe faapefea. Talu ai ona e tasi le auala.

Na toe faatu mai nai le oti i le ola nisi tagata e lesu, pei o Lasalo, o se tasi o tala mata'ina i evagelia faataatau i vaitaimi o le Fagafulu (Ioane 11:1- 44) E leai ma nisi o i latou nei na toe faatu mai e lesu nai le oti, e oo lava ia Lasalo e iai ni latou faamatalaga e uiga i le oti.

O tala faataatau i le Toetu o loo tatou fatau ai i le faaali o lesu toetu i lona au so. Na ia faauuina i latou ia galulue ii le lalo o le mana o le Agaga Paia, o se galuega i le lalolagi atoa. Peita'i ane e leai ma se tala mai Evagelia e fa o ta'uā ai se faamatalaina e lesu pe faapea pe faapefea pe afai o le a oti, poo le oti, poo le toetu mai foi nai le oti.

O loo iai pea se mea lilo e uiga i le oti. Tatou te iloa le oti ae tatou te leiloa pe o le a. O le tele o vailaau ma tomai faanei ona po ua mafai ona latou faamatalaina mai galuega poo ni faaletonu i totonus o tatou tino. Ae le mafai ona latou faamatala maia pe faapefea le oti i totonus o le tagata. O le oti e tumau pea o se misitelio lilo i le

mafaufau o le tagata.

Ina ua fetaia'i i tatou ma le oti i le Aso Lulu o le Lefulefu, ua faasavali tatou e le Fagafulu i fatauga matagofie mai le Evagelia a loane o loo folafolaina mai ai le ola, e oo lava i le ola e faavavau. Ina ua la fetaia'i ma le fafine Samaria na sau e utuvai i le vaieli, na fetalai mautinoa i ai lesu: "A o lè e inu i le vai 'ou te avatu ia te ia, e le toe fia inu o ia e faavavau, a o le vai ou te avatu ia te ia, e avea i totonus ia te ia o le vaipuna, e puna i luga i le ola e faavavau" (Ioane 4:14).

O taimi uma ou te fatau ai lenei folafolaga ou te manatua ai vaipuna o Villa d'Este i fafo mai o le aai o Roma, i lo latou felanulanua'i pe a sulugia e ave o le la. E pei o nei vaipuna o le ola, ua faapea lesu ona foaina atoa o ia ma le fafia ma le olioli. E le o faatoga atu i le fafine Samaria ma tatou e saili ma asu le vai e faatumu ai ni faatānoa. Tau ina ia faafuofu o tatou lima, e tali ma inu ai le vai o le ola.

Ina ua mae'a talanoa i le vaiola e puna i luga i le ola e faavavau, ua fofola mai e le Evagelia a loane le tala i se tamaititi ma'i na toe faamaloloina (Ioane 4:46-54). Na taunu i le taunuuga le sini autu o le ola, ina ua toe faatuina e lesu lana uo o Lasalo na tanumia e le oti (Ioane 11:1-44).

O tatou e le na o ni tagata o le Aso Lulu o le Lefulefu – ni faaputuga lefulefu o faatalitali ina ia lelea i le matagi. O tatou o tagata e sili atu nai lo le nā. E alofa lesu ia i tatou ta'ito'atasi ma o le a ia toe faatoetu i tatou mai le oti ma oo atu i le ola faavavau, e tumau e le gata.

FA'AFOU TOFIGA FESOASOANI OLE FA'AFEAGAIGA A ST PELENATE TE NAENAE

Saunia Lauano ILAOA

O le Aso Sa lua o le masina o Fepuari 2020, o se aso taua ma le fiafia mo le Aulotu Samoa a Sagata Pelenatete i Naenae, aemaise ai o le Kapelanisia Samoa o le Puleaga Fa'a-Akiepikopo a Ueligitone, ona o le aso lea na toe fa'afouina ai tofiga Fesoasoani, o le Susuga i le Fa'afeagaiga ia Vueli Tuitolova'a ma le faletua ia Veronika Tuitolova'a, e pei ona tofa i ai lana Afioga Katinale John Dew, o le Akiepikopo o Ueligitone. O le Aso Sa lua o masina ta'itasi, e pa'u i ai le Misasa i le Gagana Samoa mo le Aulotu a Sagata Pelenatete, e tusa ai o le fa'asologa o galuega a le Kapelanisia Samoa, ma sa talafeagai lelei lava ma le fa'amoe-moe i le toe fa'afouina ai o le tofiga Fesoasoani Katoliko, o le susuga Vueli ma le faletua o Veronika Tuitolova'a, e pei o le finagalo o le Afioaga Katinale John Dew ma le fa'auluuluga o le Kapelanisia Samoa, le afioga Sala Mika Teofilo.



O le Afioaga Patele Maleko, sa taitaia le Misasa i lea Aso Sa (9 Fepuari), o le ulua'i misasa ole tau-saga 2020 mo le ekalesia a Sagata Pelenatete i Naenae, ma o ia lava na fa'ataunu'uina le sauniga o le fa'afouina o le tofiga Fesoasoani o le Susuga Vueli ma le faletua ia Veronika, i se fa'atagana fa'apitoa mai le afioga Katinale John Dew, sa lei mafai ona auai, ona sa lē ato'ato'a lona malosi o le tino. I lana saunoaga i le taimi o le fa'afouga, sa fa'amamafaina ai e le afioga Patele Maleko, le finagalo o le Katinale, mo isi aulotu o loo manana'o e toe fa'aa'e o latou Fesoasoani, ina ia o latou feiloa'i ma fa'atino tulaga e pei ona faia e le aulotu a Naenae ma lo latou Fesoasoani. Sa talosia e Patele, o le a aoga le fa'ataitaiga a Naenae mo le Kapelanisia Samoa i le agai i luma.

E pei ona silafia, o le mataupu e uiga i le aufaigaluega Fesoasoani a le Kapelanisia Samoa, o se tasi lenei o mataupu tugā ua tele tausaga o feagai pea ma tagata Samoa o le Puleaga Fa'a-Akiepikopo a Ueligitone. Peitai, ua uma ona saunoa manino le afioga i le Katinale ia John Dew, o le tofia o Fesoasoani o lana matafaioi patino lea, ma e tatau ona galulue fa'atasi aulotu Samoa ma o latou Fesoasoani ma pule o palisi o loo galulue ai, ma ia o'o atu latou te feiloai ina ia fa'amautuina fuafuaga mo le toe fa'afouina o latou tofiga, e pei ona i ai Vueli ma le faletua ia Veronika.

E to'atele le mamalu sa molimauina le Fa'afouga o le Tofiga Fesoasoani o Vueli ma Veronika i lea aso. Sa aofia ai le Ta'ita'i ole Palisi ole Te Awakairangi i Lower Hutt, lea e aofia ai aulotu a Sagata Pelenatete i Naenae, Martin de Porres i Avalon, Sagato Petelo ma Pauli i Lower Hutt ma Sagato Mikaele i Taita, le faletua o Barbara Rowley, ae fa'apea ai nisi o le Aufaigaluega e

pei o le Susuga Kalolo Perez, ma le Fa'atamā o Autalavou a le Kapelanisia Samoa, le Susuga Vito Ono ma le faletua ia Silia aemaise foi o tulaga tofi ole Kapelanisia Samoa, i le afioga i le Faatonu ia Salā Mika Teofilo ma le faletua ia Tea, fa'apea le Taitafono le tofa Tauhoa Fa'atau ma le faletua ia Talia, ae le gata i lea o le Teutupe ma le Failautusi. E to'atele foi aiga ma uo a le susuga i le fa'afeagaiga ia Vueli ma Veronika sa auai i lea aso matagofie, e pei o le Susuga i le Sea o le Ekalesia Uesiliana Metotisi i Ueligitone le Susuga Tavita Filemoni, ae fa'apea sui mai isi ekalesia o le Kapelanisia ma malo sa maua le avanoa e fa'atasi ai i lea aso fiafia.

O le Susuga Vueli Tuitolova'a e tupuga mai le afioaga o Sala'ilua i Savaii (aiga tama), ma le afioaga o Luatuanu'u o le aiga o si ona tina. O le faletua ia Veronika na soifua i le afioaga o Solosolo ae na tuputupua'e o ia i le afioaga o Paia ma Samalaeulu fa'apea ma Leauva'a i le aiga o si ona tama o Nafoaga Fa'afili Feo Etuale, a'o si ona tina o Lita Ili Tufa mai le afioaga o Satapuala. E to'afitu o la alo ma le susuga i le Fa'afeagaiga.

Sa a'otauina i laua mo le tofi Fesoasoani Katoliko i se A'oga fa'apitoa sa taiulu ai le afioga Patele Ioane Vito ao galue i Newtown i le tausaga e 1993 ma o le masina o Mati i le tau-saga e 2000 na fa'apaiaina ai i laua i le Tofiga Fesoasoani Katoliko e le afioga Katinale Viliamu fa'atasi ai ma isi ulugali'i o le latou tausaga. Ae o le aso 18 o Mati i le tausaga lava lea e 2000, na tofia ai i laua e galulue i le Ekalesia Samoa a Sagata Pelenatete i Naenae. E toe fa'afou nei a laua tautinoga mo le Tofiga Fesoasoani Katoliko, o lo'o galulue pea i Naenae.

O mo'omo'oga ma alofaaga o le tusitala, mo le Susuga Vueli ma le faletua ia Veronika Tuitolova'a, ina ia manuia pea ouluu tofiga ma le galuega ua tautua ma auauna ai i le finagalo o le Alii.



O LE EKALESIA MA LANA GALUEGA TALA'I

E fiafia lava e toe fa'atalofa atu ile tatou Kapelanisia Samoa i Ueligitone aemaise le mamalu uma ole aufaitau ole tatou nusipepa lenei ole *Taulogologo*. Ua so'oso'o atu i lenei lomiga le fa'aliliuga o nisi o tusitusiga sa muai fa'asalalauina i le Gagana Peretania, i se tasi o nusipepa iloga a le Ekalesia. Ua fa'aulatalaina lenei tusitusiga, ole, *Ekalesia ma lana Galuega Tala'i* (The Church on Mission). Ole fa'amoemoe maualuga ia iai sona aogā i lo outou soifua ma lo matou ola tautua ma auauna ile Atua ma lana galuega i lenei lalolagi.

..saunia e Lauano ILAOA

Amuia i latou o e fa'alogo ile Upu a le Alii ma taofi mau iai. O ia 'upu ua matai ai le auala mo tatou e manatunatu ai ma le toto'a i lo tatou vala'auina mo le tala'iga ole misiona fa'a-Kerisiano. O le uiga loloto ole fa'alogo ile 'upu a le Alii, ua fa'ailoa mai mo tatou e auala mai i se ata tulaga'ese e pei ona ofoina mai e nisi o perofeta ole Feagaiga Tuai. O le poloa'iga mo Esekielu: *Ina 'ai ia le mea e te maua; 'ai ia lena tusi ta'ai...Ona ou fa'amaga lea o lo'u gutu; ona ia fafaga lea ia te a'u i lena tusi ta'ai* (Esek 3:1-2). O loo fa'apea mai foi Ieremia: *Na maua au afioga, ona ou 'ai ai lea; sa ia te a'u lau afioga e fai ma mea e olioli ai ma fiafia ai lo'u loto.* (Iere 15:16). O le fa'alogo lelei i afioaga a le Ali'i, o lona uiga moni 'ia a'i iai', mafaufau ma manatunatu loloto iai ma nofo tumau ai, ina ia feso'ota'i lo tatou nei ola ma le alofa tunoa ole Atua...O le uiga ole 'ai ole 'upu a le Alii, e atagia ai le uiga loloto ole taligasua ile Eukalisitisa paia..

O le ata o le Tina Paia o Maria, o ia o se auauna fa'amaoni, sa soifua i se malagasā ole fa'atuatua, e feso'ota'i lelei ma lo tatou talitonuga ile Ekalesia ma lana galuega tala'i mo le fia maua o ni agaga. O se tusitusiga lata mai nei a Pope Falanisisi i le *Evangelii Gaudium*, e fa'aluia ona ia taua ai se finagalo o Pope Ioane Paulo II i lana ia foi tusitusiga ile *Redemptoris Mater*: "O Maria o le tina ole fa'atuatua, e soifua ma taulamua ile fa'atuatua ma 'o lana malagasā uiga'ese ole fa'atuatua, o se uiga va'aia aupito sili lea ona taua mo le Ekalesia". Sa talia lelei ma usitaia e Maria le taitaiga a le Agaga Paia o lana malagasā ole fa'atuatua agai atu i se taunuuga ole tautua ma le auauna mo ni fualelei. O nei onapo, tatou te va'ava'ai atu ia te ia ma tatalo atu mo lana fesoasoani, ina ia mafai ona tatou alalaga ma fa'ailoa atu le feau ole fa'aolataga i tagata uma, ma ia maua ni so'o fou mo le fa'aaauauina ole galuega tala'i... 'O le auala lenei sa soifua ai Maria mo tausaga e tele ile mafutaga vava lalata ma lona Alo, sa fa'apea ona fesoasoani malosi lea ile fa'atinoina o lana malagasā ole fa'atuatua'.

'Ole agaga fa'afetai e fa'avae i luga ole lotomalie'. Sa tauanauina e lepela le Alii o Iesu mo lana fesoasoani i lo latou puapuaga, ma sa o latou usitaia foi lana 'upu, ae peitai, e lei malamalamā i latou ile uiga moni o lo latou fa'amalologa...Ole viia ole suafa ole Alii, e le gata 'ese ina ua ia fa'apau fao i vae ole Matai e fa'afetaia lana faamalologa, ua manino ai, ole feiloa'iga lona lua lea a Iesu ma le Samaria, e le gata ina fa'afetaia ai se mea sa faia mo ia, ae ua atagia ai lona mauaina o se faamalologa atoatoa ma se suiga tele i totonu o lona tagata.

Ole fa'amalologa atoatoa e mafai ona maua mo na o latou e fa'asofia ile agaga ole fa'afetai ina ua manuia ma latou maua le

fa'amaloloina mai tiga ma mafatiaga ole tino. O le suavai ole Vaitafe o loritana ma le ta'ua o faifeau ma ositalulaga, o se tulaga lea e atagia ai le tāua o gaioiga fa'a-sakalameta ile galuega mo le fa'aolataga. O ia tulaga, e le na o se togafiti faigofie. O le fa'a'esea ma le lē amanaia, e mafua ai ona faamalosia tagata e mau to'atasi ma ole a mausali ai ona fa'alogona patino ia te ia lava ile vafeagai ai ma le Atua ma le Alii o Iesu Keriso e auala ile galuega a le Ekalesia.

Ole tala'iga a le Ekalesia e auala atu ai ma fa'ailoa atu i se tulaga lautele kalasia fa'aola ole Alii auā e mafai ona toe fa'afouina ai alii ma tamaitai ua afaina ma malepelepe olaga ona ole agasala ma le malaia ole oti. Ole talia lelei ma le fiafia ole Talalelei, o lona uiga moni, ole ulufale atu lea ile misitelio ole Pasikate o Keriso, e toe manatunatu ai ile oti ma le fa'amaoni ole Alii i lona toetu manumalo. O le toe fanaufouina ile vai ole papatisoga, po'o le Vaitafe o loritana fou lea ole Ekalesia, ua avea ai i tatou uma ma misionare i tiute ma matafaoi 'ese'ese ole olaga nei o lo'o tatou a'afia ai: tu nei i luga, taitasi le tagata ma alu ile mea e alu iai, toe foi i lou aiga. O isi foi, ole a lē taumateina le filifilia ma vala'auina e fai ma aposetolo ma misionare tala'i i atunu e mamao atoa ma atunu sauā ma le fa'apaupau.

E le finagalo Iesu e tuuina mai se fa'ailoga, se'ia vagana ai o lona...o se perofeta na a'auina atu e tala'i i fafo atu o Israuelu, ile nuu o Nineva, le laumua o tagata Asuria, o nisi o fili iloga ole Talalelei. O se misiona lenei sa lei mafaufauna, ae na a'oa'ina ai le perofeta o lona ile finagalo naunauta'i ole Atua e vala'auina o e taumamao, mo le fa'ailoa atu i tagata lē talitonu, o lana fa'amagaloga, ina ia faasaoina ai i latou e auala ile salamō ma le liliu ane ile Ekalesia.

Ua vala'auina I tatou e le Alii o Iesu mo le fa'aliliuina atoatoa o tatou mafaufau ma manatu, mo se loto fou e naunautai e faalogo ma talia le finagalo ole Silisili'ese mo le fa'aolataga o tagata uma. Sa faailoa atu e Iesu i ona augatupulaga, ma ona tagata, ole Tupu Tamaita'i o Se'epa, e ui o se tagata fa'apaupau, ae sa I iloa ile poto ole Tupu o Solomona, ia faailoga ole alofa ole Alii, ma sa fa'apea foi i tagata o Nineva, o tagata'ese ma tagata agasala, sa feagai ma folafolaga o puapuaga e pei ona fa'ailoa atu iai e le perofeta o lona, sa o latou fa'aaoga tatau le avanoa e liliu'ese ai mai le agasala.

O le iai o lona ile manava ole i'a, o se tulaga e atagia ai le Paseka o Keriso, ma fa'amanautina ai se amataga lelei ole tala'iga mo le fa'aolataga o tagata uma, e pei ona aofia i totonu ole Ekalesia...Fa'afetai ile maliu ma le toetu o Iesu, ua fa'atasia ai tagata ua filifilia ma tagata fa'apaupau ma avea ai o tagata ole fa'aolataga, o i latou uma nei ua faatasia ile Pasikate a Keriso, e auala i lo latou papatisoga. O lona Ekalesia, ole sakalameta ole fa'aolataga, i se tulaga mausali, ua auina atu mo tagata uma, ma vala'auina ai tagata uma ia Keriso. E fa'amanatu mai ai le taimi o puapuaga ole Alii atoa ma fa'amanuiaga o lona Eseta, ma ole taolaola ole papatisoga o alo ma fanauiti, ua iloa lelei ai le atoatoa o fua aliali ole alofa ma le agalelei ole alofa mamana ma le faamagaloga a le Alii, le Matai, o Iesu Keriso.

(E faia Pea..)

ĀLOĀLO ATU MO LE LIUA O FOFOGA

E ui o le Sulufaga o le Liua o Fofoga o lesu fa'atoā fa'amanatu iā Aukuso, ae o lenei i le Aso Sa lona lua o le Fagafulu o le Liua o Fofoga o Keriso ua suia ua fa'atulagaina motatou i le fa'atalitali mo le mamalu e sau. I le Misasa, i le Evagelia, e masani ai; i le pese amata; taimi o le potopoto; po'o Tatalo fo'i i luga o Meaalofa pe a talanoa i le moliga o tino fa'apa'iaina fa'apea mafaufau; ae mautinoa lava i le Fa'afeiloa'iga; fa'apea fo'i le pese o le Komunio; mulimuli mai ai Tatalo i le mae'a ole Komunio, o lo'o ta'u ai le misitelio "mamalu" na tatou taliaina (tumi i le mamalu o Keriso) ma a latou a'afiaga o le avea o i tatou o lo'o nonofo i lenei lau'ele'ele ua "fa'asoa i mea tau i le lagi", ua tatou maua ai se fa'asoa i le Liua o Fofoga o lesu.

"Na ave e lesu Patelo ma lakopo ma ta'ita'i i la'ua i se mauga mauluga le nofoaga ua mafai ai na o latou." Sa ia ta'ita'ia i la'ua i luga, ma na ia ta'ita'ia ma i tatou fo'i i luga. Ua ia amata ona a'oa'o iā i latou, "ua ia fa'aalia tino", fai mai ai Sagato Mareko (8: 32), "e tatau ona tīgā le Atali'i o le tagata i mea e tele, e lafoa'iina fo'i o ia e toeaina, ma le ositaulaga sili, ma le 'au tusi upu, e fasiotia fo'i o ia; a mavae aso e tolu, i le toetū mai" (8: 31). Sa le'i mana'o i ai Petelo, ma na fa'apenā fo'i ma isi e lē malamalama. Sa ia avea i latou i luga o le mauga ona sa ia mana'o e ave i latou i Ierusalem, i le Misitelio o le Paseka. Ma o "ua nā o i latou lava, ona liua ai lea o lesu i o latou luma" fa'amausalī ai le fa'aiolaina e Petelo o ia o le Keriso, na o'o lava (ia Mataio) "O 'oe o le Keriso, o le Alo o le Atua soifua" (16: 16). "Ua sinasina mai fo'i ona ofu e pei o le malamalama" – ua malamalama i le malamalama ole lagi, o le mea lea; ua fa'amaonia o le lagi o le nofoaga mo ia; le fa'aiologa o lona fa'aeaina, lona toe fo'i i le lagi, ma lona toe fo'i mai i le lagi; o fa'aiologa o lona mana e "Na te liua o tatou nei tino fa'atauva'a, ia fa'atatau i lona tino mamalu" (Filipi 3: 21). "Ua fa'aali mai Elia ma Mose iā i latou ua latou fetaulatalala'i ma lesu." O la'ua uma ua va'ai i le mamalu o le Atua i luga o le Mauga. Ae o le

Tulafono ma Perofeta sa valao'ia le puapuagatia o le Mesia, ma sa latou talatalanoa, e pei o le fa'amatalaga ta'uta'ua a Luka, "I lona maliu o le a fa'ataunu'uina i Ierusalem" (Luka 9: 31).

Ona fai mai ai lea o Peteru, "Le Ali'i e, e lelei ona tatou nonofo i'inei; matou te faia ni fale apitaga se tolu." Ua toe faia e Peteru lana sesē sa fai muamua. Sa le mautinoa lelei mea na fa'alogo i ai. Fai mai Sagato Sililo na "manatu Pateru ua o'o mai le taimi o le malo a le Atua," ua galo iā Peteru "e lē o le taimi lea e fa'ataunu'u ai fa'amoemoega a le 'au pa'ia". E ao ona tatou talosaga mo le onosa'i ae le'i talosagaina mo le mamalu," fai mai ai Sagato Leo, "ona o le fiafiaga o le malō o le a mafai ona sau i le mae'a o le vaitau o puapuagā," (Sermo 38, 5). Ona soso'o ai lea ma le taunu'uga: ua sau le āo, ma "o le si'ufogfa mai le ao ua fa'apea mai, "O lo'u Atali'i pele lenā, ia outou fa'alogo iā te ia". O lona uiga ole mamalu e natura, o le toetū e mautinoa e taunu'u. Ae fa'apenā fo'i le pasio o le finagalo o le Tamā; ua sau le Atali'i ia avea ma 'au'auna, ma ofo atu lona ola ma le loto i ai mo le taui o le to'atele. Ua na o le tu'u fa'atasia ma le Fa'aatali'i a Keriso ua mafai ai ona tu'u fa'atasia le pasio ma le mamalu. "Fa'alogo ia te ia," fai mai ai le Tamā. Ua tatou iloa mai le Evagelia a Ioane o le Alo o lē e fa'alogo i le Tamā, ma o lea e tautala i upu a le Atua.

"Fa'alogo ia te ia", fai mia ai le Tamā, e ui o la e fai mai ai i na upu e tatau ona ia puapuagatia, inosia, ma fasiotia. "Fa'alogo ia te ia," e ui o la e fa'apea mai: "Ai se mulimuli mai iā te a'u, ia fa'afiti o ia iā te ia lava ma ave e ia lona satauro i le mulimuli mai iā te a'u," (Mareko 8: 34); fa'apea fo'i ona fa'amaumau lona ola. O Liua o Fofoga o lesu ua tatou mua'i tofo ai po'o se va'aiga o le Malō. Ioe o le fuaiupu mulimuli a le Evagelia o lo'o tumu i fa'aupuga uigā

O LE UIGA O LE ASO SĀ

Mo le to'atele, ua mou atu le uiga fa'alelotu o le aso Sa. O le anoanoa'i o mea fou fa'alolagi i ona po nei ma le fa'aitiitia o mea fai fa'alelotu ua suia ai le va'ai a atunu'u i Sisifo ma ola ai i aso Sa. E ao ona tatou toe tapu'e mai pe aiseā i lenei aso e "ese mai isi aso o le vaiaso.

O le a le alagatatau fa'atelosia ua fa'apitoa ai le aso Sa?

E le o fa'atauanau mai a le Tusi Pa'ia i fa'amatalaga 'auilili. Ae o le Feagaiga Fou o lo'o fa'apea mai na fa'akoluseina ma tu'u i le tu'ugamau, na toetū lesu "i le aso tolu," le aso na mulimu-

li mai le Sapati.

I le amataga, o le aso Sa o le aso na maua ai e fafine le tu'ugamau ua leai se tino o Keriso. Na vavae 'ese Kerisiano mai le ituaiga o lutaia ma filifilia e fa'aaloalogia ma fa'apa'iā lenei aso muamua o le vaiaso o le "aso o le Ali'i" (dominicum, Latina). Mo le 'au so'o, o le taeao o le Toetū o lo'o fa'aiologa ai le tafa o āta a se lalolagi fou.

O 'taimi fou ' e pei ona fa'ailoa mai e Perofeta e amata i le aso lenei. Ua pei o se foafoaga fou, ua tatou i ai i le 'aso

O LE UIGA O LE ASO SĀ

muamua' o le Malō o lea ua i ai nei, ae ao ona malamalama atoa i ai.

O le aso Sa, o le Paseka a Keriso ma ua fa'ataunu'uina ai le moni fa'aleagaga a le Sapati Iutaia ma fa'aihoa ai le malologa e fa'avavau a tagata ile Atua. E ta'ita'i ai le aga'i i luma le gasologa a le 'au talitonu mai lea vaiaso i lea vaiaso aga'i i le 'aso Sa e fa'avavau'.

E fa'apefea i tusitusiga ona tīma'i i tatou i lenei aso o malologa?

"O le (Atua) na mālōlō i le aso fitu mai lana galuega uma na ia faia,"fai mai ai le Tusi o Kenese (2: 1 – 2). "O le aso fitu o le sapati lea i le ALI'I lou Atua; 'aua e te fai ai se galuega e tasi," poloa'ia e le Tusi o Esoto (20: 1 – 18).

Ma i le Tusi a Teuteronome ua tatou faiatou ai: "ia e manatua fo'i, na fai oe ma 'pologa' i le nu'u o Aikupito, a ua 'aumaia oe e le All'I....O le mea lea ua poloa'ia mai ai le ALI'I lou Atua iā te oe e te faia le aso sapati" (Teuteronome 5: 15).

O lo'o mau a'a i Poloa'iga e Sefulu, se lapata'iga mamana ina ia mālōlō o lo'o ta'oto i se vaega tāua o le Feagaiga Tuai. I le manatuaina e lē o tatou na foaoaina, ae o tatou o se vaega – ma o tatou muta'aga – o le Foaoaga, o le aso e mālōlō ai ua fa'atulafonoina e lenei tiute o le manatuaina lea o le fa'asa'olotoina mai le fa'apologaina," fai mai ai le Ekalesia Fa'afouina.

lā tatou matafaioi e faia i aso uma, o isi o taimi ua avea ai i tatou ma pologa o a tatou galuega po'o fa'afiafiaga fo'i, e i ai se fa'asa'olotoina ma se faiga e tatau ona taofi mo se aso se tasi ma tu'u atu o tatou lava...ina ia tomanatunatu, fa'afifilemū, moe aunoa ma se manatu ifo e i ai nisi o matafaioi e le'i fa'atinoina pe fua e le tupe.

Na fa'apefea i le Aso Sa ona avea ma aso e potopoto ai Kerisiano ma fa'apefea ona toe mou atu lona lēfa'atauaina i aso nei?

I taimi anamua sa i ai sauniga fa'atulagaina mo a tatou Misasa o lo'o i ai nei, o Kerisiano anamua sa mana'omia le potopoto fa'atasi i aso Sa, po'o le afiafi o le aso To'ona'i, e pei ona i ai le malamalama'aga fa'atusi pa'ia o le aso e soso'o ai e amata i le goto o le lā.

"Ua tumau pea i latou i le a'oa'oga a le 'au apostolo ma le mafuta fa'atasi, ma le tofitofiga o le areto, ma talataloga." Fai mai ai le Galuega a Apostolo (2: 42).

I le seneturi lona lua, o Sagato Justin Martyr na ulua'i fa'aogaina le fa'aupuga "Eukalisitia" (fa'afetaimolia) e fa'amatala ai nei fa'apotopotoga. Ma i le fa'ai'uga o le seneturi tolu, na fa'ailogaina e le fa'asauaina a Roma o Kerisiano, o le Eukalisitia sa patipatia fa'alilolilo i fale o aiga ta'itasi.

Taimi o le malosi o le fausia o paselika, falesa....

O le fa'ai'uga a le Tupu o Kosetatino i le 313 e avea le talitonuga Kerisiano ma talitonuga a le Malō Roma na sua ai le gasologa o le tala'aga. I lalo o lana nofoa'iga, o le aso Sa na avea ma aso mālōlō laua'itele. O le fa'aihoaaina o le fa'atuatua Kerisiano ua mafai ona fa'aihoa i nofoaga lautele, ma na faifai mālie lava, pe tusa ma le seneturi ono, o le sauniga o le Misasa e pei ona tatou iloaina o aso nei ua fa'atulagaina.

Ae ui i lea, o le tala'aga o le Aso Sa o lo'o tumau pea lona fa'aletonu, O le 'au fai Filosofia i taimi o le Toefa'afouina na asā le ala mo lona motusiaina, "ae le'i toe fa'atulagaina le Aso Sa e pei ona i ai nei" mai le 19 o seneturi aga'i atu i le ogātotonu o le seneturi 20."

Ona i ai lea o le fa'aitiitia i faiga fa'alelotu i soasiete ua mou malie atu faiga fa'alelotu, ma fesili pe tatau ona galulue tagata i aso Sa, o mana'oga ia a luni...ma o nei aso mai le va'aiga Kerisiano, ua puapuagatia le aso Sa mai ni a'oa'oga mautu ma le mau e i ai nisi a'oa'oga o le a tutupu mai. Ua iai se motusia mai tu masani. Ia mautinoa le i ai o le fa'alavelave i le Ekalesia, e pei o le solo tete'e a tamaiti a'oga ia Me 1968. O tupulaga talu ai sa fa'aosofia i le Fa'akerisiano – fa'atasi ma le taulotoina o a'oa'oga o le kapite, o le matafaioi o le 'au ai i Misasa i aso Sa, le tatau ona kofesio so'o, ma isi, i nei aso ua a'afia i le masani fa'asosaiete i ona po nei.

O a ni lu'itau e toe fa'aolaola ai le uiga Ketrisiano o le aso Sa?

O aso Sa ua avea o se isi vaega o le fa'ai'uga o le vaiaso ma ua leai sona tāua tele fa'aleagaga mo le tele o Kerisiano. O lona fa'ataunu'uina e fa'aauau pea, ae ua fa'amalosia i tatou e le Vatikano II (1962 – 65) ina ia taumafai e malamalama lelei po'o le a le mea o lo'o tatou patipatia ma upu o lo'o faia i Misasa i Aso Sa. Ua vala'auina i tatou e le Vatikano II ina ia malamalama lelei , i nisi lava tulaga, Aso Sa "o le aso muamua o le vaiaso." Ina ua fa'atagaina e Roma le patipatia o le Misasa i afiafi o le aso To'ona'i o le isi lea fa'aaliga o le taumafai a le Ekalesia e o fa'atasi ma suiga saosaoa a olaga fa'aleaiga. E ao fo'i ona tatou fa'aetete i le fai pea le tete'e atu, iā tatou polokalame, ina ia 'aua ne'i fa'aitiitia ai le fa'aleagaga i ni vaega itiiti o tatou olaga. I lana tusitusiga i le 2015 o le Laudato Si, na fa'amanatu mai ai e Pope Faranisisi iā i tatou o lo'o i ai le isi vaega i le aso Sa: O le aso o le mālōlō, fa'a'autū i le Eukalisitia, fa'asusulu mai lona malamalama i le vaiaso atoa, ma una'ia i tatou i ni popolega tele mo le natura ma le 'au matitiva" (LS 237).

O GALUEGA A LE AU APOSETOLO

Fa'atalofa atu ma fa'afeiloa'i le tatou tala fa'asolo fou. Afai o Galuega a le au Aposetolo o ni āta tifaga i lo ni tusi-tusiga mai anamua, atonu o le a fa'aigoaina "O le Evagelia a Luka: Vaega Lua," ona o lenei tusi a le Feagaiga Fou o lo'o manino lelei o se fa'aauauina o le Evagelia Lona Tolu. O se auala faigofie e maitauina ai lenei o le faitauina lea o fuaiupu muamua e fa o le Evagelia a Luka, o lo'o fa'ailoa mai ai se tasi, o Teofilo (e masalomia o se tasi e fou na liliu ma e masalomia fo'i o ia na totogiina le lolomiina o tusi) ona su'e lea i luma i upu amata o le Galuega: "Teofilo e: na ou tusia le ulua'i tala..." Atonu ua lava lenā e fa'ailoa mai ai o lo'o tatou feagai ma se tusi e lua ona vaega. O latou ua su'esu'e ma tusia e uiga i galuega a Luka o lo'o fa'ailoaina o ana sao i le Kanone o le Feagaiga Fou – lona uiga o le tu'u fa'atasia o tusi ua talia e le Ekalesia na fa'aosofiaina e le Atua – o se galuega e lua lomiga, e ao ona va'aia o se tusitusiga matagofie e tasi, ua masani ona fa'aupu o Luka – Galuega, e pei ona tatou faia i lenei tusi-tusiga.

O se vaega mautinoa o le tu'u fa'atasia o Luka – Galuega na le iloaina e le to'atele o le au faitau ona o le faiga masani sa i ai o le fa'avasegaina o tusitusiga a le Feagaiga Fou na vavae 'ese ai le Evagelia a Luka mai le fa'asologa i le tovā ai o le Evagelia a loane i le va lea. O latou sa filifilia lenā fa'atulagaga sa i ai ni mafuaga talafeagai: o lea fa'asologa ua tu'u fa'atasia ai tala kanone e fa o lesu e pei o se afiafi. O le auala lenā ua pei ai le tusi o Galuega o se auala laupapa mai tala e uiga ia lesu aga'i atu i Tusi a Paulo. Ae o lenei fo'i fa'asologa e i ai lona itū e fa'aletonu ai: ua fa'afuase'ia ona tosiga 'ese le au faitau mai le maitauina o le fa'aauauina i le va e lua a galuega a Luka.

I le taimi o le taufa'ai'ui'u o le seneturi luasefulu, o le 'au su'esu'e o le tusitusiga pa'ia sa le va'ava'ai tele i vaega manino o tusitusiga ae na tele i le ituaiga ma uiga o le tusi-tusiga atoa. O lena taula'i na talisapaia se va'aiga fou i le amio sa'o ma le laulelei o tusitusiga ua ta'ua nei o Luka – Galuega.

E fa'apefea iā Luka lava ia ona malamalama i ana polokeki? Ua fa'aali mai e Luka ana fuafuaga e tusa ai ma Luka – Galuega atoa i fuaiupu fa'atomua e fa ua fa'ailoa mai ai le fa'atomuaga o lana Evagelia.

E to'atele ua taumafai ona tusia fa'asolo le tala i mea ua māe'a ona faia i o tatou luma. E fa'apei ona tu'uina mai iā te i tatou e i latou na matamata ai, o e fo'i ua fai ma 'au'auna a le upu talu le amataga; o le mea lea ua ou manatu ai, ona ua ou matuā su'e i mea uma lava talu le amataga, ou te tusi fa'asolo atu iā te oe le ali'i e, Teofilo, ina ia e silafia le moni o tala ua a'oa'oina ai oe.

Maitau o le mataupu o ana galuega "o mea ua fa'ataunu'uina ia i tatou. "O le fa'aupuga o mea ua fa'ataunu'uina" ua fa'aupu mai ai o na mea e le gata na tutupu ae o fa'ataunu'uga moni o Tusitusiga Pa'ia a Israelu. O "tatou" o lo'o fa'amatala mai ai fa'apotopoto-ga Kerisiano i taimi o Luka, o se vaega ua mamao 'ese mai

i taimi (e pei e fasefulu pe limasefulu tausaga) mai le olaga, maliu ma le toetu o lesu ua latou mana'omia ai se molimau a latou na va'ai ma le 'au a'oa'o o le upu e a'oa'oina e uiga i na mea na tutupu. Ae peita'i o le "tatou" sa i ai i lenā fa'auauga fa'atasi ai ma le ulua'i augatupulaga Kerisiano (le 'au molimau) i na mea na tutupu e ao ona malamalamaina o se fa'ataunu'uina fa'atasi ma *tatou*. I se isi fa'aupuga, o le 'au fa'alogologo a Luka e mafai lava ona toe manatu i mea na tutupu i taimi ua tuana'i ua fa'ataunu'uina ia i *latou*. E mafai fo'i ona fa'atatau i le 'au faitau na mulimuli mai, e a'afia ai i tatou.

Pe sa manatu Luka o se "fa'ataunu'uina" fa'apea o lo'o tutupu pea i ona taimi? Ioe. O isi vaega o Luka – Galuega o lo'o fa'ailoaina manino lelei maia lenei vaega. Manatu i upu mulimuli a lesu i le fa'ai'ui'u o le Evagelia a Luka: *Ua fetalai atu fo'i o ia iā te i latou, "ua fa'apea ona tusia, e fa'apea fo'i ona tatau ina tīgā o le Keriso ma toetū nai ē ua oti i le aso tolu; ina ia tala'iina fo'i le salamō ma le fa'amāgaloga o agasala i nu'u uma i lona igoa, e amata mai i Ierusalemā"* (Luka 24: 46 – 47). Maitau lelei o fa'aupuga e fa'ataunu'u ai Tusitusiga Pa'ia e le gata i le maliu ma le toetū o le Mesia ae fa'apea le tala'iina o le salamō i le igoa o lesu i nu'u uma, ma o le mea tonu lenei i le uiga o le Galuega. O "mea la ua fa'ataunu'uina ia i tatou" e a'afia ai e le gata o le tala iā lesu (fa'amatala e le Evagelia lona Tolu) ae fa'apea le tala o le eklesia (mataupu a Galuega) a o fa'aauau pea ona talatala mai i augatupulaga a Luka lava ia. Ona o le fa'aauauina o le moni i lana va'ai, ua a'afia atoa ai ma o tataou augatupulaga. O le mailoa o le i'uga o taimi a le eklesia ua sau e ala mai i le fa'amaoniga malosi mai se lauga a Peteru i le Tusi o Galuega 3: 24: "O perofeta uma fo'i ē na fai mai, e āfua iā Samuelu, ma e na mulimuli mai, o i latou uma lava, ua mua'i fa'ailoa mai i latou i nei aso."

Po'o i ai nisi molimau o le tu'ufa'atasia o Luka – Galuega? E tele. Mo se fa'ata'ita'iga, o upu a Kapeliele na tautala atu ai iā Maria i le fa'aaliga.

"E sili o ia, e ta'ua fo'i o le Alo o le Silisili'ese; e foa'i atu e le Ali'i le Atua iā te ia le nofoa'iga a Tavita lona Tamā. E fai o ia ma tupu i le aiga o lakopo e fa'avavau; o lona mālō fo'i e leai sona ga-ta'aga..." (Luka 1: 32 – 33)


E tatau ona va'ava'ai po'o a mea na tutupu inā valo'aga i le vaega atoa o Luka – Galuega. I le lalolagi o le ulua'i- seneturi lutaia, o le upu e uiga iā lesu e soso'o ma Tavita ma nofoia le nofoā tupu a Tavita ma avea ma Mesia, o le taimi e muta ai tofiga fa'ata'ita'i o mataupu fa'alemalō ma fa'alelotu a Israelu. O fea le taimi ua fa'aali mai ai e Luka ua tau'ave e lesu lenā tofi? Mautinoa lava e lē o le Evagelia. E lē maua i se fa'amatalaga a Luka e uiga i le olaga o lesu, maliu, ma le toetū o ta'ua ai lesu ua avea ma tupu. Pau le taimi ua ta'ua ai le tulaga tau tupu – i le tu'ua'iga e toea'i'ina a Israelu, i le tauemu a ta'ita'i ma fitafita i lalo o le koluse, ma upu o lo'o tusia i luga o le koluse: "O le tupu lenei a tagata lutaia." Ae o le fa'auigaga o nei taufaifai ua le mafai ona mauaina e lesu le nofoatupu a Tavita i le

SAGATO TURIBIUS O MOGROVERJO EPIKOPO (1538 –

Fa'atasi ai ma Rosa o Lima, o Turibius o le sagato muamua lea o le lalolagi fou ua fa'amaumauina, sa 'au'auna atu i le Ali'i i Peru, Amerika i Saute, mo le 26 tausaga.

Na fanau i Sepania ma a'oa'oina mo le Tulafono, ma sa 'ese lona atamai ma na avea o ia ma polofesa o le Tulafono a le Univesetē a Salamanca ma i'u ai ona avea ma Fa'amasoni sili o le su'esu'ega a Granada. Sa matuā alualu lelei lana galuega. Ae sa le maitauina lelei o se loia e taofiofi mai ai ni fa'asologa o mea na tutupu fa'afuse'i. Ina ua avanoa le tofiga o le Akiepikopo a Lima i Peru o se atunu'u sa i lalo o le pulega a Sepania, sa filifilia o Turibius e tatau ona tofia i le tulaga lea. O ia o se tasi tagata e malosi lona tagata ma le pa'iaga o le agaga e fa'aleleia le matagā sa a'afia ai lenā vaega.

Sa ia fa'ailoaina mai o kanone uma e fa'asā ai le avatu o tofiga fa'aeaea i



tagatā lotu, ae sa tātu'u o ia. Sa fa'au'uina o ia o se faife'au ma epikopo ma auina atu i Peru, le mea sa ia iloaina ai le leaga tele o le pulea malosi o isi atunu'u. O le 'au Sepania sa ave fa'amalosia Peru sa agasala i so'o se ituaiga o fa'asauaga o tagatā nu'u. O le fa'amemele e le 'au ositaulaga e mata'utia le matagā, ma sa

tu'u atoa lona malosi (ma puapugatia) i lenā vaega.

Sa amatalia ni asiasiga 'u'umi ma se malosi tele mo le pule'aga fa'aakiepikopo tele, a'oa'oina le gagna, mālōlō i nofoaga 'ese'ese pe lua pe tolu ni po, e masani e leai se moega po'o ni mea'ai. E kofesio i taeao ta'itasi i lana kapelano (chaplain), ma patipatia le misasa ma se loto malosi. O nisi o latou sa ia avatu i ai le Sakalameta o le Fa'amausalīna o Sagata Rosa o Lima, ma e manatu fa'apea fo'i Sagato Martin de Porres. I le mae'a ole 1590 sa ia mauaina se fesoasoani a se isi misionare o Faranisisi Solanius.

O ona tagata, e ui i le matitiva, ae sa ilitata tele, ma sa fa'aeteete ile taliaina o le agalelei laua'itele mai isi. Sa fa'afō'ia e Turibius le fa'afitauli i le fesoasoani atu i ai e aunoa ma so latou iloaina.

O GALUEGA A LE AU APOSETOLO

manatu fa'aletagata. O lona tautupu na i'u na sili atu lona matagofie.

O le 'au faitau e ao ona amata faitau le tusi lonalua, Galuega ale au Apostolo, ina ia iloa ai le malamalama'aga a Luka pe na fa'apefea ona mauaina e lesu le nofoatupu a Tavita. I le lauga a Peteru i le Penetekoso, na tatou fa'alogi ai o laulauina e Peteru se salamo a Tavita, Salamo 16, o lo'o fa'aalia mai ai e lē o lo'o tatalo le fa'amoemoe o lona tino e le tu'ua ina ia fa'aleagaina."Ona toe fa'ailoa mai lea e Peteru o nei upu e le'i tautala i ai Tavita mo ia lava ae e uiga i le Mesia. O le Salamo 16, fai mai ai Peteru, e ao ona fa'auigaina i le malamalama iā 2 Samuelu 7: 12 ma le Salamo 132: 11 i se auala o lo'o fa'asino ai ua na o lesu. O lea ua pulea nei e lesu Israelu i le iuga o

taimi, e le mai se nofoatupu fa'alalo nei i Ierusalemae o le Ali'i toetū a le fa'apotopotoga Kerisiano. O se tasi na o fa'ata'ita'iga o le so'otaga mālie a le Evagelia a Luka ma Galuega a le au Apoetolo. O lenei tusitusiga o le a fa'ailoaina le tele o feso'ota'iga i le va o le vaega muamua ma le lua o vaega ia e lua o galuega a Luka.

Aiseā i le 'au faitau a Luka ona mana'omia ni tusitusiga se lua? O nei va'aiga e tau amata ai ona aumai ni manatu i mafua'aga na mafua ai ona fa'aopopo e Luka se so'oga i lana tusi i tala o lesu.

O se ekalesia ua fa'ateleina ona tagata e lē o ni lutaia (Nu'u 'ese) ua mana'omia se fesoasoani i le malamalama'aga pe fa'apefea i tagata mai Nu'u 'ese ona latou mauaina mea patino a Israelu. Ua fa'amatala e

Luka tala a le ekalesia e fa'amalamalama ai o mea na latou o'o i ai o fua ia o le "malamalama o nu'u 'ese" (Isaia 49: 6) ma o Tagata a le Atua sa fuafuaina lava e fa'apea.

O tagata na feola mai i tupulaga ulimuli mai i le au molimau sa mana'omia se malamalama'aga pe fa'apefea le olaga o lesu ona aogā pea ma fa'ata'ita'iga i o latou olaga. Ua fa'ailoa mai e Luka olaga o Kerisiano, ta'ito'atasi pe fa'apotopotoga, e masani o se toe va'aia lea o le olaga o lesu. Na fa'apea ai lea ona o gatasi le malu o Setefano ma le malu o lesu, o malaga ma fa'amasinoga a Paulo ua va'aia o se āta o malaga ma fa'amasinoga a lesu.

.....fa'auau pea.....

O LE MATAGOFIE O LE LAFOA'I O MEA UA TUANA'I:O LE SAISAIGA O ISA'AKO

Kenese 22 o se tasi o faitauga a le Tusi Pa'ia Eperu ua filifilia mo le Sauniga o le Upu i le Misasa o le afiafi o le Eseta. O se tusitusiga e lu'itau fo'i. Atonu o se faitauga pito sili ona lu'itauna ai i tatou i le Misasa i le afiafi o le Eseta o le tala i le 'saisiaga' o Isa'ako. O lona tāua ma lona aogā i le misitelio o le maliu o Keriso o lo'o tau fa'amatala mai ai, e pei o le sopo'ia o le Sami Ulaula i le Esoto 14, e le tatau ona ave'esea. Ae ui i lea, e masalomia ina ua faia fuafuaga fa'alafulemū o faituaga ia fa'aitiitia le aofa'i o faitauga, e masani o Kenese 22 ona a'afia ai.

O se alagatatau le Kenese 22 ua faitauina fa'a'afa i le fa'atulagaga o faitauga fa'aauauina a le Kenese (aso Tofi o le vайасо sefulutolu Tausaga 1). E faitau fo'i i le aso lona lua o le Fagafulu i le Tausaga B, ina ua tu'ufa'atasia ma le tala ole Liua o Fofoga i le tala a Maleko a o vi'ia e le Tamā le fofou mai o le fiaaulaga a le Alo. Ae o lenei tusitusiga uiga 'ese ua lē mautonu ai le to'atele. O latou o lo'o sa'ili mo 'faitauga pogisa' ua fa'aopopo iā latou teuga ae ina ua tau i le fa'atonuga a le Atua ia Apera'amo e tatau ona fai le taulaga i lona atali'i o Isa'ako, le atali'i ole folafolaga ua leva ona fa'atalitali i ai. Ole faitauga lenei ua na o le Fa'amasino 11 ua sili atu, na fai ai e lafeta le taulaga i lona afafine; sa ia faia e pei o ana folafolaga sa ia faia (Fa'amasino 11: 39).

O le saisiaga o lasa'ako e amata i le Kenese 22:1 i upu ia 'ua mavae ia mea', o se fa'aupuga e le o alu iai se manatu lelei. Ae o mea ua fa'amatalaina i le ta'amilosaga a Apera'amo e tāua i'inei. Sa fa'ailoa iā Apera'amo mai le amataga o le a avea o ia ma tamā o se 'malo tele (12.2...). Ae o Sara ua le mafai ona tō o ia ua matua. O mea o lo'o ta'ua mai e le 22.1 ua pei o se fa'ailoaina o le fanau mai o Isa'ako, le atali'i a Apera'amo ma Sara (18.10 & 21.2).

O le mea na tupu sa 'tofotofoina e le Atua Apera'amo'. Ua fa'ailoa i lē o lo'o faitauina mea o lo'o tutupu: o le fa'attuaua o Apera'amo ua tofotofoina e le Atua. I tusitusiga a le tusitusiga pa'ai mai anamua e masani o tagata ua tofotofoina e le Atua. O le sini na muai iloaina i le tusi a Esoto, ina ua fa'aseā tagata i le leai o ni mea'ai. O le tofotofoina o tagata e i ai lona so'otaga i le tu'uina atu o le Tulafono (Esoto 15.25 & 16.4). I le toe va'ava'ai i le malaga i le vao na fa'amatalaina e Mose o se faigamalaga o tofotofoga (Teterenome 8.2 & 8.16).

O le fa'aliliuga Eleni o le Kenese 22.1 ua fa'aogāina ai le veape *peirezein*, e aiga tutusa ma *peirasmos*. O le upu lenei na fa'aogā e lesu i vaega uma e lua o le Tatalo a le Ali'i (Mataio 6.13 & Luka 11.4). O lo'o apuapua'i mai le Ali'i iā i tatou e tatalo i lo tatou Tamā, e lē o le 'aua ne'i ta'ita'i i matou i fa'aoosoosoga,' ae 'aua ne'i tofotofoa i matou. O le tofotofoina, e foliga mai, o se mea ua mana'o le Atua e fai, ma ua amata ona matata'u tagata o le 'a latou le mafaia ona fo'ia le lu'itau lea. E aogā tele mo le 'au fiaita ona iloaina muamua le mea o lo'o tupu i lenei tala a Apera'amo.

O le moni i le tofotofina e le Atua o lo'o i Tusitusiga Pa'ia talu mai le amataga. I le amataga o le Kenese, o lo'o fai atu le Atua i le ulua'i tagata e 'ai i la'au uma o le fa'atoaga, vaganā le la'au e tasi (2. 16 – 17). O le ulua'i tagata ua tofotofoina.

Ua tele mea ua ia talia, pe tu'inanau ma losilosivale? Pe na te talia ni muta'aga? O le sini lea o lo'o fa'amamafa mai e le Kenese 22.

Ua vala'auina Apera'amo, ma na tali ma le fiafia 'O a'u lenei', o le tali o lo'o fa'aleo mai e Samuelu talavou i le 1 Samuelu 3 ma le Novise o Isaia i lona vala'auina i le Isaia 6. Ona mulimuli mai ai lea ma ni fa'asologa o fa'atonuga i le fuaiupu 2. O le fa'atonuga fa'atauvā'a 'ave' ua tasi lona taunu'uga, ua fa'amatalaina i ni auala 'ese'ese e fa'lou atali'i, lona atali'i e to'atasi, le tasi e te alofa tele i ai, Isa'ako'. Ole a'afiaga o lenei upu fai so'o ua toe aumai e le fa'amatalaga a le Tusi Iutaia ta'uta'ua i le Kenese, *Midrash Bereishit Rabbah*. Ina ua fai atu le Atua iā Apera'amo e ave lona atali'i, ae tali mai o ai le atali'i? E to'aluā o'u atali'i.' Lou atali'i e to'atasi; tali atu le Atua. Ae fai mai Apera'amo e to'aluā ona atali'i'. 'Le tasi e te alofa i ai,' fai mai ai le Atua. E alofa Apera'amo iā i la'ua uma. Ona ta'u mai ai lea ole igoa o Isa'ako.

O le poloa'iga lona lua ua fa'aleo ai upu a le Atua iā Apera'amo i le amataga fa'ata'amiloga a Apera'amo, 'Alu atu!' (12.1) Sa fa'anaunau Apera'amo e lafoa'i atu. A o lenei e tatau ona alu i le nu'u o Moria.

O le poloa'iga tolu ua sau ai ma le taunu'uga lē mautonu. O se fa'aliliuga fa'apea: 'Avatu iā te ia e fai ma taulaga mu i le tasi mauga ou te ta'uina atu ai iā te 'oe'. O fai mai e ā le Atua? O le lē manino o fesili o lo'o atagia mai ai le lē manino o le talosaga a Apera'amo: o le ā le mea e tatau ona ia faia? E fesoasoani Isa'ako i le faia o le taulaga mu? Po'o ua tulaga mai o le a fiaaulaga Apera'amo i lona lava atali'i? O le a le upu a le Atua iā Apera'amo, o le folafolaga mo se atali'i ua fa'ataunu'uina?

I le taeao na soso'o ai na alu atu ai Apera'amo. O fa'atonuga a le Atua e le o manino lelei lava. O se fa'amatalaga manino lelei o gaioiga a Apera'amo i le fuaiupu 3 e lē o maua mai ai se fesoasoani. Sa ia ave ni 'au'auna se to'aluā, ma Isa'ako. Sa ave fo'i ma fafie, ae leai se manu mo le taulaga. Pe sa ia talitonu e aumai e le Atua se manu (v. 14), po'o ua ia sauniuni e fai le taulaga i lona atali'i e alofa tele i ai, ona o le mea lenā e mana'o i ai le Atua?

O le tusitala ua le ma'imaua se taimi. O le fuaiupu 4 ua au-maia sa'o i tatou i le aso lona tolu, ma o Apera'amo ua 'iloa lea mea e mamao.' Ua tepa atu i lea mea o le a fa'atino ai le fuafuaga. E le'i tautala atu Apera'amo i lona atali'i ae ua na o ana tauile'a. E mana'omia se taimi na o ia pe afai o Isa'ako e fai ai le taulaga mu, ina ne'i taumafai le tama e taofi o ia. O ana tautalaga ua a'afia ai upu tau fa'asesē: 'ma te o i o e tau-pua'i ai, ona toe fo'i mai ai lea' (v.5). Po o masalosalo pea Apera'amo? O nei upu ua maua ai e le 'au fiaita le fa'amoemoega o le fasiotia o Isa'ako e lē fa'ataunu'ua. O le fuaiupu 6, pei o le 3, e pupu'u lisi o tapenaga. Ina ua tu'ua le asini, sa fa'aoga e Apera'amo Isa'ako o se manu e tauavea fafie mo le taulaga. Atonu o le taimi tonu lenā ua fa'atusatusa ai e Kerisiano ma lesu fa'akoluseina. Fai mai se tasi o faife'au i se lauga i le Kenese, 'O Isa'ako lava ia na tauaveina le la'au mo le taulaga mu o se fa'atusa, ona o Keriso fo'i ia sa tauaveina lona ia lava koluse.' E pei o Apera'amo, na tu'uina atu e le Tamā le Alo e ave lo la'ua la'au o le taulaga. Ona 'o fa'atasi ai

O LE MATAGOFIE O LE LAFOA'I O MEA UA TUANA'I:O LE SAISAIGA O ISA'AKO

lea' o Apera'amo ma Isa'ako (v.6).

Na faalavelave Isa'ako i tapenaga, ma o se taimi muamu ma le taimi mulimuli fo'i i le tala. Sa ia fai atu iā Apera'amo 'Lo'u tamā' (v.7. Ona tali mai ai lea o Apera'amo fa'apea 'Lou atali'i e'. O lo'o fai sa'o lava le fesili a Isa'ako: "o fea le tama'i mamoe e fai ai le talaga mu?". O le talanoaga na fa'alua ai ona fetatalaa'i ai le tamā ma le atali'i, e pei ona molimau le Tusi-tusiga Eperu. Na i'u le talanoaga i se fa'aupuga fa'attuatuaina a Apera'amo e uiga i le Atua: "Lo'u atali'i e, e aumai e le Atua

se tama'i mamoe māna e fai a'i le taulaga mu" (v.8).

O le fa'atuatua o se uiga lelei lea a Apera'amo. O le mea lea 'e te'uamiotonuina ai o ia'(Kenese 15.6). Ae fa'apefea ona fa'afōia lenei fa'afitauli? Sa poloa'ia Apera'amo e ave Iona atali'i i luga e fai ai le taulaga mu. E fa'apefea ona 'vā'ai i ai le Atua?' E pei ona i ai i le fuaupu 6, 'o na ō fa'atasi ai lea o la'ua' (v. 8).fa'aauau pea.....

ASO MAFAUFAU FAIAOGA ASO SA - KAPELENISIA SAMOA

O le a se'i o'u mua'i taina le vaiafei ma ou vai sausauina le paia tele ma le mamalu maualuga o Sa ma Faigā o le tatou Kapelenisia Samoa.

Tau ia ina o'u sauia i le va ina nei o'u malaga loa ae se'i o'u afeaina lape o upu i sala gagana, auā e

faigatā Samoa o le Aomamala i le fa'asouga o ao ma le atufolasa.

Ia tulouna ia le paia maualuga ma le mamalu tele o le tatou Kapelenisia Samoa i ona tulaga faalupe.

Ae se lipoti ma se tala atu lenei ile Aso Mafaufau (Retreat) a Faiaoga Aoga Aso Sa a le tatou Kapelenisia e pei ona sa alo atu iai ile Aso 14 & 15 o Fepuari 2020. Sa faataunuina lenei faamoe-moe i le nofoaga - Our Lady's Home of Compassion i Island Bay. Sa taitaiina lenei Aso Mafaufau e le Afioga Patele Andrew Atonio ma Patele Maleko Tufuga. Na amata ile afiafi o le Aso Faraile ma

sa taitaia le afiafi atoa ma le po e le Afioga Patele Andrew e ala i le Faatuina o le Eukalisitia, sosoo ai ma Faa-matalaga sa faalaeiau ma faamalosiau ai Faiaoga Aso Sa e tusa ma la latou galuega i lenei tausaga.

O le Aso Toonai mai le 8am ile taeao seja oo ile 1pm ile aoauli sa taitai'a lea e le Afioga Patele Maleko Tufuga. Amata i Faamatatalaga e faalaeiau ma tomatau ai le galuega a Faiaoga Aso Sa aemaise lo latou faamaoni ma le faatuatua. Na faaiuina i le Taulaga Paia o le Misasa na osia lava e le Afioga Patele Maleko. Sa faaiuina le Aso Mafaufau i le Taumafataga ile aoauli ma lululima ai ma faatofa.

Ua laulausasa ma ua fiu fo'i e tufi taufao faalumaga Faaleaga-aemaise le faamalosia'u a le Ituaiga Sa na sasa'a mai au a le galuega a Faiaoga Aso Sa ma lo latou valaauiina. Ae le gata i lea ae so o se galuega lava o loo matou auauna ai ile Ekalesia.

Ua matou inu malie, ma ua le gagana fo'i Sakalia ile faatumulia

ile agaga fiafia ma le faafetai i le Ituaiga Sa—Afioga Patele Andrew ma Patele Maleko. E momoli atu le agaga faafetai mai le taele o loto o Faiaoga Aso Sa sa auai i lenei Aso Mafaufau ile lua galuega ma le tapenaga matagofie sa ouluu sauna mo i matou mo le matou galuega. Ua taunu ai le mua fetalai a le atunuu - "e sau lava le uli ia e to'a ai le moa." E faapena so matou agaga faagaeetia i le lua galuega ile Ituaiga Sa ona o lo outou alolofa ia i matou ina ia lava tapena mo la matou galuega.

Faafetai, Faafetai, ua malie o, ua malie malo, ua malie fo'i mata ma taliga e faalogo.

E faafetai atu fo'i ile mamalu o Faiaoga Aso Sa uma sa auai i lenei Aso Mafaufau. Ua tuua lava o outou aiga, ma faamaumau o outou taimi ona o lo outou naunau ma le faamaoni i lo outou valaauiina.

O nisi nei o saunoaga sa saunoa iai le Ituaiga Sa:

- Patele Andrew – Ituaiga tautua eseese o loo tatou faia: tautaua tuavae, tautaua matavela & tautaua toto. Sa ia sauoa fo'i e uiga ile Faithful, not successful.
- Patele Maleko sa ia saunoa: la tatou fausia se "Blueberry Ice Cream Factory" e fia taumamafa uma iai fanau a le Atua - o le Ekalesia lea, ae o le Ice cream e maua mai ai o le "Eukalisitia." Ae tautuana fo'i ma i tatou aua nei o tatou faafo'i berry eseese o loo aumai e fai ai lenei aisikulimi pe a faapea e faaletonu ni berry.

O nai otootoga na ma le talatala atu ile tatou Kapelenisia e tusa ai ma le Aso Mafaufau sa alo atu iai Faiaoga Aso Sa i le amataga o lenei tausaga.

Manua tele galuega o lenei tausaga 2020.

Faafetai

Ofisa o Aoga Aso Sa Kapelenisia

O SE TELOSIA O SAKALAMETA O LE FA'AMALOLOGA

O le tele o Tulafono a Israuelu anamua sa le gata e fa'alelotu poloa'iga ae sa fa'atulafonoina fa'asosaiete fo'i, ma ole lē usita'ia o nei Tulafono o se solia lea o feagaiga a le Atua ma Israuelu. Ina ia faia se fa'aleleiga ma le Atua ma le fa'apotopotoga e i ai se la'asaga o le toe fa'aleleia e a'afia ai faigataulaga, o le moliga o agasala, tatalo ma le salamō, anapogi ma le totogiina o sala, fa'aleleia o meatotino fa'apea mea fa'atigā. Faiga kofesio i se faife'au sa fa'apea ona fa'atonuina mai e le Torah.

O uiga fa'a-Tusi Pa'ia aga'i i le ola, soifua maloloina ma le maliu ua fa'aalia mai ai ni elemene tāua e lua. Muamua o vaega uma ole olaga, e a'afia ai le ma'i ma maliu, sa va'aia o se atoaga. O tagata Eperu sa talitonu o le ola ma le maliu o ni a'afiaga e fa'aletino ma le

fa'aleagaga. O tagata ua lē na o le tino ma agaga ae o tagata ola. E fa'apea fo'i sa latou talitonu o le ola maloloina ma ma'i ua lē na o le afaina o le tino, ona o le tagata atoa lē ola maloloina pe ua ma'i fo'i.

O le uiga lona lua sa fa'avae lea i lo latou malamalama'aga e fa'apea, afai ua afaina se tasi o vaega o le olaga, o nei a'afiaga fo'i o le a fa'alogoina e isi vaega o le tino. O lenei malamalama'aga sa lagolagoina e isi agan'u anamua, sa va'aia o se ma'i po'o manu'aga sa masani ona va'aia o se i'uga mai se mea sa faia e lenā tagata, e pei o le solia o se Tulafono po'o ni uiga lē tatau.

O tagata o Israuelu anamua sa malamalama i le ola umi, tu lelei ma le ano-

anoa'i o fanau o se fa'ailogia o le amio lelei ma le alofa fa'apito a le Atua. Sa fa'apea fo'i se maliu la'ititi ma le tigāna, o nisi fa'aletonu ma le lē fanau oni fa'ailogia ia o le i ai o le tevolo. Sa latou iloaina o le ma'i sa mafai ona togafitia i vai e fai mai lau la'au ma manu'aga sa mafai ona fa'amamā lelei i uaina ma suāu'u, ae sa latou talitonu o le togafitiga aupito le fa'attuatuaina mo ma'i uma lava o tatalo ma le salamō, ona o fa'amalologa uma lava sa talitonuina e mai lima ole Atua. O le amataga lea o a tatou telosia Kerisiano o le fa'amalologa ma le fa'aleleiga.

VAEGA MUAMUA: O LE Ā LE SAKALAMETA O LE FA'AMALOLOGA? Sakalameta o le fa'amalologa ua a'afia ai le atoaga po'o le pa'iaga. I o latou tulaga loloto, o latou o ni fa'ailogia, o sauniga ua fa'atumulia e le kalasia ua patipatia ai le fa'anaunauga e fa'avavau a le Atua ina ia taunu'u se tagata i se atoaga na faia ma vala'auina ai i latou e le Atua. O le sakalameta aupito sili o lo'o i ai, le fa'amalologa o le fa'aolataga na manumalō ai Keriso ma na patipatia i le Eukalisitisa. O le Misitelio o le Paseka, patipatia i le Eukalisitisa, o le misitelio ua ala mai ai se fa'amalologa a se tagata, lona uiga, o le misitelio e ala mai ai le atoaga. I le fa'agasologa o le avea ma pa'iaga po'o se tagata atoa ua fa'apa'iaina, lona uiga, ua faia ia pa'iia pe mamana. O le mea lea ua ta'ua ua pei o le Atua. O lea tulaga o lo'o i le fatu a le Eklesia i Sasa'e, o lo'o malamalamaina ai le Liutinotagata o lo'o tatou ulufale atu i le olaga mamana. I le Galuega 17: 28 ua tatou faiatou ai "O ia (Keriso) o lo'o ola ai i tatou, ma gāoioi ai, o lo'o i ai fo'i i tatou" ma i le 2 Peteru 1: 4, "...la tofusia ai outou ile amio Atua". O se ta'utinoga pu'upu'u mai ia Clement o Alexandria, 'O le Upu a le Atua na avea ma tagata ina ia a'oa'olina mai ai i le tagata pe na fa'apefea i le tagata ona avea ma Atua', ma na tomanatu Sagato Irenaeus o Lyons e fa'apea: O ia (Keriso) na avea ma tagata ina ia avea i tatou ma mamana. Mai lenā va'aiga na fa'atupulia ai se 'oa fa'asakalameta ma le tu massani misitelio o le 'au fa'atasi i le olaga mamana a le Eklesia i Sasa'e, a o telosia i Sisifo ua fa'amamafaina le manatu o sakalameta e pei o le fa'amalologa mai agasala, i lo le fa'asa'olotoina mo le ola. I Sisifo o le 'au fai telosia ua 'alo 'ese mai se isi lava manatu i le i ai o agaga i le amataga ma ua talanoa mai i tulaga ole fa'atasi ai i le ola mamana e ala i le kalasia. Ua o fa'atasi ai nei ma le fa'atulafonoina o tusitusi āta fa'atulafonoina ua ta'ita'ia i se faiga masani ma se malamalama'aga o sakalameta o le fa'amalologa o se fa'amalologa mai agasala, i se faiga e lē o se manatu lelei, ae o se fa'amalologa mo le olaga i se 'aula e lelei. E ao la ona tatou tu'ufesili, o a auala e maua ai le ola e le tagata talitonu ma le Eklesia mai sakalameta ole fa'amalologa? Aemaise lava, e fa'apefea i sakalameta o le fa'amalologa ona aumaia le ola i

iona ia atoaga? E fa'apefea ona latou fa'agaioia i tatou mai ala ole maliu i auala o le ola? O ai lo latou amataga ma o ai fo'i o latou tagata?

O le feilo'i atu i sakalameta ole fa'amalologa o se mataupu e lavelave ma e ao ona va'ava'ai i ai i se 'aula 'auiliili ma le manino. Mo se fa'ata'ita'iga, e tatau ona tatou galulue mai ni vaega ia : o le fa'asauniga, fa'asosaiete, fa'aletagata, fa'aletala'aga, fa'alelotu ma le fa'anatura. O le fa'amalologa o se moni fa'aletino, lona uiga, o le taimi lava e tasi o le fa'aletino, fa'aleagaga, o tatou fa'alogo'aga, fa'asosaiete, ma fuafuaga i taimi ma avanoa, tagata. O le tagata ola e ao ona va'aia i le atoaga o le foaoaga ma le Atua.

A tatou amata mai iā tatou a'afiaga masani pei o fa'ama'i, vaivaiga, oti ma le manu'aga, tatou te feilo'i atu muamua i tulaga o le lē maua o se olaga lelei, malosi, ola ma le ola ai fiafia. Ua tatou va'aia i fa'ama'i e lē o se mea e fa'anaunau i ai ae o se mea tatou te taumafai e 'alo 'ese mai ai ina ia tatou ausia se mea e lelei. O le tagata e i ai lona fa'anaunauga ina ia fa'amaloloina mai fa'ama'i ma tete'e atu i le oti. A tatou aga'i atu i le ma'i ma le oti e ao ona tatou avatu i ai se uiga ma le talia i tua atu o tatou fa'anaunauga fa'anatura. I lenei manatu o le tagata ua vala'auina, ina ua feagai atu i fa'ama'i ma le oti, ina ia uigā le a'afiaga. Ua avatu e le tagata le uiga i le ma'i ma le oti e lē o mafai e le ma'i ma le oti ona ia mauaina. O le tagata ola ua mafai ona ia 'toe fa'aola' le ma'i, oti, vaivaiga ma manu'aga e ala i lona mafai ona avatu le uiga ma fa'apea ai fo'i ma le ola.

Mo lē talitonu, o lenei uiga ua lē na o le malosi'aga o le loto o le tagata, ae ua maua lona amataga i le ola, maliu, toetū ma le auaunaga a lesu, le Keriso. O le uiga na avatu e Keriso i lona ia lava puapuagatia ma le maliu o le punavai po'o le vaiola o le mafai e se Kerisiano ona avatu le uiga i le leai o se uiga o le maliu, mamai po'o manu'aga. O le a'afiaga o le maliu, ma'i po'o manu'aga ua lē faoa ai le uiga Kerisiano po'o le ola, ona e mafai e le Kerisiano ona ufiufi le a'afiaga o le ma'i ma le maliu i le uiga o le soifuaga ma le maliu ma puapuagatia a Keriso ma maua mai le uiga.

O SE TELOSIA O SAKALAMETA O LE FA'AMALOLOGA

VAEGA LUA: O FA'AMALOLOGA E MAFAI ONA FA'ATAUNU'

O le poto masani ua tatou iloaina ai o le fa'amalogia e mafai ona tupu, o le soifuaga ma le ola e lē o ni mea fou i olaga o tagata. E fa'amaloloina tagata mai fa'ama'i, e fa'aleleia va e feagai ma e tuputupu ona lelei mea uma. A maitauina o le fa'amalogia o se mea e lelei o lona uiga e maua ai le ola. O le fa'aleleia o le toe fa'asa'osa'o mea ua sesē, ma aumai le soifua maloloina i ma'i, o le ola mai le oti, o le atoaga mai fe'ese'esea'iga, atoaga mai le lē atoatoa. Fa'amalogia la e maua i tulaga 'ese'ese. E i ai le fa'amalogia mai manu'aga fa'aletino, fa'alemafaufau, fa'asosaiete, fa'alogo'aga, fa'aleagaga ma isi tu'u fa'atasiga o nei mea uma.

Ina ia maua se fa'amalogia moni e ao ona fesili se tasi po'o fea na amata mai ai le tigā. E pei o se foma'i e sa'ilili le amataga o le ma'i ina ia togafitia lona mafua'aga ae le na o āūga, e fa'apea fo'i le fai telosia e tatau ona fesili po'o fea e maua i ai le amataga o ma'i, tigā, manu'aga ma le oti. Po'o le amataga o lo'i tagata ola lava o se tagata ta'ito'atasi, po'o i le tulaga o le avea ma tagata. O le ola ai o le tagata i ona vaega tāua moni e lē tulaga lelei? Po'o le amataga o fa'ama'i, tigā, manu'aga ma le maliu e maua i le Atua? Po'o le Atua 'ea ole punavai o mea uma e lelei ma mea uma e leaga? O tua o nei fesili, sa fesiligia e le 'au fai telosia ma tagata talitonu mo le tele o seneturi, o lo'i ai ni fesili tāua se lua mo le ola ai o le tagata ola ma le soifua ai o le Atua, e pei ona ia i: Aiseā e tutupu ai ni mea leaga i tagata lelei? Ma afai o le Atua e lelei ma alofa tele aiseā e tutupu ai mea fa'atevolo i lenei lalolagi? Tu'u i se isi fa'aupuga, o le ola ai o le tagata e leai sona uiga ma o le Atua e lē fa'atuuatua?

E 'ese'ese tagata ua mauaina ni tali 'ese'ese. O nisi ua va'ai i le Atua o le punavai o le leaga ma le lelei ma e lē popole i le lalolagi, o isi ua manatu e ave'ese le Atua mai le fesiligia o le ola ai o le tagata ae o isi o lo'o va'ai pea i le ola o le tagata e leaga ma o ia lava i le aga'i atu i le leai o se uiga ma e iuvale. O le tali a Kerisiano e lavelave i le feagai ai ma fa'ama'i, o tigā, manu'aga ma le maliu, ona e tatau ona fesiligia le natura o le fa'aolataga, le galuea'ina o le fa'aolaina, le natura o le agasala ma le fa'agasologa o le agasala. Ae e le pei o isi tulaga, e o'o lava i le fa'alaua'iteleina o le Fa'akerisiano lava ia, o le va'aiga a Ekalesia Kerisiano a Sasa'e ma le Ekalesia a Roma o le tagata na faia e lelei ae lē leaga. O le Atua na faia ma o le tagata ola o se vaega o le foafoaga a le Atua. O le tagata ua faia i le fa'atusa o le Atua ma e le gata e mafai ona fa'aolaina, ae ua vala'auina, i lona natura, ina ia fa'aolaina. O le nofo ai i le laulau a le Atua ile malō a le Atua o le taunu'uga mulimuli lea ua faia ai le tagata ma o i'inā fo'i o lo'o fa'asino i ai o latou tagata. O le va'ai la e i ai lona fa'amoemoe. E lē o leiloa mea uma i le taimi e fanau mai ai ae e lē atoatoa fo'i mea uma. O le fesili ua tu'uina mai e le manatu o le ulua'i agasala, o le a mulimuli mai se taimi o i luma. E fa'apefea e le agasala ona ulufia le lalolagi ma e fa'apefea ona tatou malamalamā i ai ma lana vaega i o tatou olaga ma a tatou mafutaga tatau ai ma o tatou tagata tūtotonu fa'atasi ai ma le na faia i tatou, i o tatou va feagai ai isi tagata ma le lalolagi o se nofoaga o la tatou olaga?

.....fa'aauau pea.....

FAITAUGA MO LE MASINA O MATI – 2020

O le fa'asologa o faitauga mo le tausaga 'A' i aso Sa ua tu'uina mai ai ni faitauga maoa'e e tolu mai le Evagelia a loane ua fa'aogaina mo le su'esu'eina mae'a o le Sauniga Kerisiano mo le Fa'aulufale o tagata katekume. E ui o nei Evagelia e 'u'umi i lo Evagelia o Aso Sa masani ai ma o nisi o le a manatu ifo o se mafua'aga lelei fa'alafulēmū mo le fa'aogaina o faitauga pupu'u, ae o nei faitauga ua fautuaina i so'o se taimi e tapena ai le a'u katekume ma ia fa'amanino lelei i ai e fa'atāuaina lava i latou. A momoli fa'alelei ma fa'amanino le tāua ma se leo mamalu, o le a telē lona a'afiaga. O Evagelia ia e tolu o ni tusitusiga mo a'oa'oga o le fa'atuatua ma e maua ai le avanoa mo le aofia atoa e tomanatu ai i o latou fa'atuatua. O ni fa'amatalaga matagofie o le feiloa'iga a lesu ma tagata na o mai i le fa'atuatua – le fafine Samaria, le tamaloa na fanau mai e tauaso ma tuafafine a Lasalo – ma o ni vala'aulia mo tatou ia avea e pei o ia tagata i le fa'ailoaina o lesu o le Ali'i. O vaiaso muamua e lona o le Fagafulu ua tu'uina mai iā i tatou le fa'asologa masani o le Fagafulu i le fa'aoosooga o lesu i le toafa mulimuli mai ai le Evagelia o le Liua o Fofoga – ua fa'aalia ai le tagata moni o lesu, ma lona mamana, ma ua fa'amanatu mai ai iā i tatou le Misitelio Fa'apaseka ua tatou sauniuni e patipatia i lona atoaga i Sauniga i aso e Tolu (aso Tofi pa'ai, aso Faraile pa'ai ma le aso To'ona'i o le Toetu) o se faiga ua tatou o mai ai e fa'asoai le mamana o Keriso o lē na fa'amaualaloina o ia lava ina ia fa'asoai i o tatou tulaga fa'atagata' (tatalo i le sauniuniga o le kalise)

FAITAUGA MO LE MASINA O MATI 2020

ASO 1 MATII—ASO SA 1 O LE FAGAFULU:

Faitauga 1: Kenese 2: 7 – 9; 3: 1 – 7

Matua: O le ulua'i tagata. O le agasala muamua.

Salamo: 51: 1 – 2 (tali), 3 0 4 (tali), 10 – 11 (tali), 12 – 15 (tali)

Tali: Le Ali'i e, alofa mai, auā ua matou agasala.

Faitauga 2: Roma 5: 12 – 19

Matua: Ua silisili lava le alofa tunoa, ina o fa'ateleina le agasala.

Fuaiupu o le Evangelia: E lē na o mea e 'ai e ola ai le tagata, a o afioga uma e tulei mai i le fofoga o le Atua.

Evangelia: Mataio 4: 1 – 11

Matua: Na fa'alaina lesu i po e fagafulu ma ao e fagafulu.



Tofitofiga O le Upu:

O faitauga mo le amataga o le Fagafulu ua fa'aautū i amataga. O le faitauga mai le Kenese o se vaega o le tala o le foafoaga ma le ulua'i feiloa'iga a le tagata ma le tiapolo; o se mea na liliu e Paulo o se feagaiga fa'atelosia. O le malamalama'aga a Paulo i le tāua o le Ta'usalaina ua mafai ai ona ia ofoina mai sona tomanatuga loloto i le moni o le misitelio o le fa'aolataga a Keriso. Ua fa'atusatusa e Paulo le ulua'i Atamu ma Keriso ma fa'ailoa ai le 'ese'esega o taunu'uga o mea na faia e Atamu ma taunu'uga o galuega a Keriso – Pa'u/fa'aolataga, lē usita'i/usita'i, fa'asalaina/fa'aolaina ma le agasala/kalasia. Ia Keriso ua i ai se amataga fou e ala i le moliga o le meaalofa o le avea ma amiotonu. O lea moni ua patipatia i le Eseta, ma o nei faitauga ua ta'ita'ia tonu i tatou i le taunu'uga ole vaitau ua tatou amatalia. O le Evangelia o

se amataga fo'i- ua fa'ailogia ai le 'au'aunaga a lesu. O lenā amataga – e pei ole faitauga muamua i le asō- ua fa'ailogaina e le fa'aosoosoga – ae pei o le faitauga mai Roma ua fa'ailogaina e se fa'atusatusaina o le ulua'i Atamu ma le Atamu Fou. Sa fa'ailoa e Keriso o ia ma tagata i le fa'aosoosoina, ae na matuā te'ea le tiapolo. O Mataio i le loloto a lona fa'atofu i Tusitusiga Pa'ia lutaia, ua fa'ailoa lenei taua ma le tiapolo e ala i le fa'aogaina o tusituiga pa'ia, o se fa'amanatu iā i tatou o lo'o soa ma le Ali'i aga'i atu i le Toafa o le Fagafulu o le Tusi pa'ia o se aupega tāua mo le iloa tino o a tatou vala'auina. O nei 'oa maoa'e ua fafaga ai i tatou mai le Tusi Pa'ia i le vaitau o le Fagafulu o se punavai tāua i le avea o lenei vaitausaga e tosiga atu ai i tatou i le loloto o le misitelio o Keriso ma mafai ai e tatou ona talia le sakalmeta foa'i fua o le avea ma amiotonu.

Metitasio Aso Sa Muamua o Mati

Tete'e le Tiapolo

Fa'apea o le Tiapolo tatou te lagona ai le i'ini a le mativa, e pei ona ia faia ia Keriso, ma fa'aaoagaina a tatou fa'amatalaga galala e liua ai ma'a i ni falaoa: e lē tatau ona tatou taliaina, ae tu'u atu ina ia ona iloa po'o a mea na te le'i silafia. Tete'e ia te ia e ala i le upu o le ola, ma le upu a le areto na afio ifo mai le lagi e aumai a le ola i le lalolagi. Atonu e taumafai o ia e mailei i tatou e ala i lo tatou fa'atauva'a, a'o ia taumafai e mailei Keriso e fa'atū i luga o le tumutumu o le malumalu ma fai atu, "Fa'ailoa lou paia: oso ia oe i lalo." la tatou fa'aeteete i le pa'u i le fa'amaualuga, auā o le ita o le a lē mafai ona maua ai se manuia. E lē mafai ona fa'amaalieina o ia ma e masani ona ia tuliloaina i tatou. E masani ona ia fa'aseseina i tatou i se mea lelei ma aogā, ae o lona i'uga e leaga lava. O lana auala lea e tauina ai lana taua:

Tatou te iloa foi e atamai tele le tiapolo e pei ona ta'ua i le Tusi Paia. Ina ua tali atu Keriso i le fa'aosoosoga ia liua ma'a i areto ma se a'oā'iga mai amataga o le Tusi Paia: Fai mai le Tusi Paia, na fetu'utu'una'i le tiapolo i upu lava e tasi ma fa'aosoosoina ai le Keriso e oso i lalo mai le tumutumu o le malumalu. Fai mai le Tusi Paia, na ia ta'ua, o le a ia tu'uina oe i le pule a ana agelu, ma o le a latou sapai a oe i o latou lima. O le pulesili o mea leaga

uma, aisea ua e fuaiupu o lo'o mulimuli mai? E te le'i fa'aumaina le upus'i, ae ou te iloa lelei lona uiga: o le a matou soli ia te oe e pei o se gata uogo; e puipuia e le Tolotasi, o le a matou solia ia te oe e pei o ni gata ma akarava.

Afai e taumafai le tiapolo e fa'atoilalo i tatou i lo tatou matape'ape'a, ma fa'ailoa i tatou i sulu o le tino i malo uma o le lalolagi e peiseai o i tatou o ana mea totino-ma fa'atonuina i tatou e fa'apa'uū ma tapua'i ia te ia, e tatau ona tatou inoino ia te ia, tatou te iloa o ia o se fa'asoesa taufa'asese. Ia malosi i lo tatou papatisoga, e mafai ai e i tatou taitoatasi ona fa'apea atu: "Na faia foi a'u i le fa'atusa o le Atua, ae e le pei o oe, e le'i avea lava a'u ma se tagata na tulieseaa mai le lagi e ala i le fa'amaualuga. Na ou tu'uina atu ia Keriso; ona o lo'u papatisoga, ua tasi ai a'u ma ia. O oe lena e tatau ona e fa'apaū faō i o'u luma. "I nei upu, na'o ia e tatau ona fa'alolo ma fa'amalōlō i le mā`asiasi; pei ona ia solease i luma o Keriso, o le malamalama o le lalolagi, o le a fa'apena foi ona ia aluese mai ia i latou ua sulugia e lena malamalama. O meaalofa fa'apena ua fa'ae'e mai e le papatisoga ia i latou o e malamalama i lona mana; e pei o le tausama'aga tele ua saunia i luma o i latou o e fia'a'i mea o le Agaga.

FAITAUGA MO LE MASINA O MATI 2020

ASO 8 MATI—ASO SA 2 O LE FAGAFULU:

Faitauga 1: Kenese 12: 1 – 4

Matua: Ua vala'auina Apera'amo o le tupuga ia o le nu'u o le Atua.

Salamo: 33: 4 – 5 (tali), 18 – 19 (tali), 20, 22 (tali)

Tali: Le Ali'i e, ia i luga iā te i matou lou alofa, e pei ona matou fa'amoemoe iā te oe.

Faitauga 2: 2 Timoteo 1: 8 – 10

Matua: O lē na fa'aola mai iā te i tatou, ma vala'au mai i le vala'au pa'ia.

Fuaiupu o le Evagelia: E lē na o mea e 'ai e ola ai le tagata, a o afioga uma e tulei mai i le fofoga o le Atua.

Evagelia: Mataio 17: 1 – 9

Matua: Ua pupula mai ona fofoga e pei o le la.



Tofitofiga O le Upu:

E tulaga'e se le tatou feiloa'i atu iā Apera'amo, o se tagata lauiloa tele o le folafolaga ma le fa'atuatua a le Feagaiga Tuai e lē tinoa toe pu'upu'u. O Apera'amo sa vala'auina e le Atua ma auina atu, ma o se tasi e avea ma amataga o se galuega tele a le Atua na faia o ni tagata mo ia lava. E tāua tele le vala'auina o Apera'amo o se auina atu, o se tofotofoga e pei ona i ai. Na poloai le Atua, pe na fa'atonuina fo'i o ia ina ia fa'alagolago i le Atua ma savali atu i le fa'atuatua. O le sini autū o le olaga a Apera'amo – fa'apea ona suli – o le sini o le fa'atuatua ma le usita'i po'o le lē fa'amaoni ma le lē usita'i. Ma o le moni lava lea o tagata a le Atua i aso nei – ua vala'auina uma e savali i le fa'atuatua ma le fa'amaoni i le finagalo o le Atua. O le tala iā Apera'amo ua fa'aioloaina maia lenei mea ae o le Tusi Pa'ia atoa ua fa'aalia maia. Mo Kerisiano, o le āta o le fa'alago-

Iago ma le fa'atuatua ile Atua o lesu na tu'uina atu atoa i le finagalo o le Tamā na aga'i atu ai i Kalevalio ma le Toetū. O le Evagelia o le asō o le Liutinotagata, e pei ona i ai i tausaga uma i le Aso Sa lona lua o le Fagafulu – o le va'aiga ole mamalu o Keriso ua fa'alaua'itele ai lona itū tagata e pei ona fa'aalia mai i le Fa'aosoosoga i le toafa i le vaiaso ua tuana'i. O le Liutinotagata o se taimi ua ofo maia le folafolaga ma le fa'amoemoe mo le 'au so'o – ma ua tu'uina mai iā i tatou i le amataga ole Fagafulu ina ia fa'amalosi'au ai i tatou a o tatou talia le vala'au tatou te tu'ua o tatou tulaga mafana e pei o Apera'amo ae savali atu i le fa'atuatua – ma le fa'alagolago o lē ua vala'auina i tatou e mulimuli atu o ia lea ua manumalō i mea uma lava – e o'o lava i le oti – ma ua vala'auina i tatou e fa'asoa i le ola ma le Tamā.

15

Metitasio Aso Sa 8 Mati 2020

"o le Toe Afio a'e"

O le a le uiga o upu ua toe afio a'e o ia? Na fai mai le faitelosia o Sagato Ioane Chrysostom na finagalo malie le Alii e tatala se vaega itiiti o lona mamalu, ma fa'aioloa ai le Atua e ala ia te la i uluai so'o. A'o tatalo o ia, i le tala a Luka, na suia ona foliga, ma, e pei ona tusia e Mataio, o ona fofoga ua susulu e pei o le la

O i latou e va'ai atu i le Atua e ala i mafauauga loloto fa'ale-Atua, e lē manaomia se isi malamalama, auā na'o la lava o le malamalama o i latou e ola e fa'avavau. O le a le mea latou te mana'omia ai se malamalama lona lua pe afai ua latou maua le malamalama sili o mea uma? A'o tatalo o ia na amata ona susulu ma fa'aali mai se malamalama uigaese i se auala e lē mafauauga loloto i so'o na filifilia i luga o Le e sili atu i le au perofeta, ina ia mafai ona ia fa'aioloa mai ia i tatou o le tatalo e maua ai fa'amanuiaga o lenei va'aiga, ina ia tatou iloa o lenei malamalama e sau ma susulu atu pe a tatou fa'alatalata atu i le Atua e ala i vituti, ma tu'ufa'atasia ai o tatou mafaufau ma ia. E tu'uina atu ia i latou uma o e a'apa atu i le Atua e lē aunoa e ala i galuega e atoatoa ona lelei ma tatalo malosi, ma o le a mafai ona latou va'aia ai. O mea uma e uiga i le natura paia o fa'amanuiaga o se mea matagofie moni ma manaomia, ma e na'o i latou ua fa'amaina mafaufau e fa'aali i ai. So'o se tasi e tepa atu i lona susulu

pupula ma lona alofa tunoa, pe aofia i sina vaega, o le a pei ona fofoga ua pa'i i ai ave o lea malamalama mata'utia. O le mafua'aga lena na vi'iia ai fofoga o Mose ina ua ia talanoa ma le Atua (Esoto 34:29).

Ae peitai, o lo tatou Ali'i o lesu Keriso, sa ia umia lena malamalama i lana lava aiā tatau. I lana lava aiā tatau na te lē manaomia ai le tatalo e fa'asusuluina. Na te lē manaomia foi se tatalo e fa'amalamalamaina lona tino i le malamalama fa'alelagi, ae na ia fa'aioloa le auala e fa'aali mai ai. Auā o e amiotonu o le a susulu atu e pei o le la i le Malo o lo latou Tama (Mt 13:43), ma afai ae avea i latou uma ma malamalama fa'alelagi, fa'auta o le a avea i latou e pei o fanau o lena malamalama, le pupula fa'alelagi o Keriso e lē mafauauga loloto i so'o na filifilia i luga o Le e sili atu i le au perofeta, ina ia mafai ona ia fa'aioloa mai ia i tatou o le tatalo e maua ai fa'amanuiaga o lenei va'aiga, ina ia tatou iloa o lenei malamalama e sau ma susulu atu pe a tatou fa'alatalata atu i le Atua e ala i vituti, ma tu'ufa'atasia ai o tatou mafaufau ma ia. E tu'uina atu ia i latou uma o e a'apa atu i le Atua e lē aunoa e ala i galuega e atoatoa ona lelei ma tatalo malosi, ma o le a mafai ona latou va'aia ai. O mea uma e uiga i le natura paia o fa'amanuiaga o se mea matagofie moni ma manaomia, ma e na'o i latou ua fa'amaina mafaufau e fa'aali i ai. So'o se tasi e tepa atu i lona susulu

FAITAUGA MO LE MASINA O MATI 2020

ASO 15 MATI—ASO SA 3 O LE FAGAFULU

Faitauga 1: Esoto 17: 3 – 7

Matua: Au mai ia se vai iā te i matou, matou te inu ai.

Salamo: 95: 1 – 2 (tali), 6 – 7 (tali), 8 – 9 (tali)

Tali: O le aso nei afai tou te fa'alogo ai i lona si'ufofoga, 'aua ne'i fa'ama'a'a o outou loto.

Faitauga 2: Roma 5: 1 – 2, 5 – 8

Matua: Ua fa'amaligi mai le alofa ole Atua i o tatou loto e le Agaga Pa'ia ua foai'iina mai iā te i tatou.

Fuaiupu o le Evagelia: Le Ali'i e, e moni lava, o oe o le Fa'aola o le lalolagi; aumai iā te a'u le vai ola, ina ia 'ou lē toe fia inu.

Evagelia: Ioane 4: 5 - 42

Matua: O le vai ou te avatua e avea o le vai puna, e puna i luga i le ola fa'avavau.



Tofitofiga O le Upu:

O le fa'ata'oto a Luka i le 'Samaria Agalelei' o se lagona uiga 'ese mo latou sa fa'alogi i ai ona o le va'ai maualalo i tagata Samaria. O le Evagelia a Ioane i le asō e fa'apea fo'i sona a'afiaga, ae masalo e sili atu ona o le Samaria i le tala lenei o le fafine (e le tatau ona talanoa i ai se Rapi) ma o lona tulaga fa'aipoipo e lē o mautinoa. E masani i le Evagelia a Ioane, o se talanoaga e fa'atino i tulaga 'ese'ese e lua e vave ona talisapaia e lē o lo'o faitaua i lo le fafine na talanoa i ai lesu. O Vai e tāua i mea ola uma – o se fa'ailogi malosi mo le atoaga o le ola na ofoina e lesu iā i latou na feiloa'i atu i ai. O le talanoaga na fa'ai'u i le fa'aioa atu e lesu o ia o le Mesia na fa'atalitali i ai le fafine Samaria – e pei o tagata uma- na fa'atalitali i ai. O lenei fetaia'iga

a le fafine ma lesu e iai lona fa'alogoga malosi tele. O āga a le fafine na fa'aalia mai ai lana tali. Na fa'amauna e Ioane o le fafine na 'tu'u lea e le fafine o lana vai' – o se mea e aogā mo le olaga i aso uma- ma tia'i ina ia fa'avavevave e ta'u atu i isi e uiga i le tagata na feilao'a'i atu i ai. E tāua ona na ta'ua mai e to'atele latou mai le 'a'ai na o atu e feiloa'i iā lesu ona o le molimau a le fafine, ae o lo latou taliaina o lesu e le'i fa'avae lea i le molimau a le fafine – po'o se isi lava: 'ua matou fa'alogologo, ua matou iloa fo'i, e moni lava, o le Fa'aola lenei o le lalolagi.' Mo Ioane e tāua tele i taimi uma i tagata ta'ito'atasi ona feiloa'i atu iā lesu mo latou lava ma iloaina tonu o ia – o le fa'atuatua iā lesu e le o se mea e maua fua mai i isi.

Metitasio Aso Sa 15 Mati 2020

"Ou te fai atu ia te oe ... o a'u lava"

Na ma talanoa ma le fafine Samaria i le aoauli. Ua ta le itula o le alofa tunoa mo ia, na fai mai le fafine ia te a'u i le vaieli o lakopo: *Ou te iloa o le a afio mai le Mesia*, ma sa ou fai atu: *O a'u lenei o lo'o fai atu ia te oe ... o a'u lava lea*. Na fa'apupulaina lona loto i le alofa tunoa, ma i lo'u tagata, na ala ai ona ia iloaina lo'u paia ma tapuai ai ina ua fa'atumuina i le alofa ma le fa'amoemoe.

O a'u foi lenei ua fai atu ia te oe i le aso nei. Na ou saili ia te oe i tulaga vaivai i

aula tetele ma magāala o le lalolagi. O lau lesu, o Lē o lo'o latalata ia te oe i le Areto fa'apaiaaina. O a'u lenei o Le e sau ma fesili, pei ona 'ou fesili atu i le fafine Samaria, e aumai ia te a'u se vaiinu o lou salamō, ma o ou loimata e tineia ai lo'u galala. Ua ole mai lau lesu mo nei tama'i meaalofa. Pe ete fa'afiti ea?

Afai e te iloaina le meaalofa a le Atua! Afai e mafai ona e malamalama i lo'u mitamita ia te oe. Ae afai e na'o lou malamalama i le alofa lē mafuatia lea ou te mulimuli ai ia te oe i so'o se mea. Afai e mafai ona e iloa lo'u naunau malosi e fai oe ia e lelei. Afai e mafai ona va'aia e ou

mata le mauga o manuia na ou fa'atauina i lo'u toto ma fa'atautau ai oe, ma mo'omo'o ina ia tatala lou loto ma talia. Afai e na'o lou talisapaia o lo'u koluse, o mealilo o lo'o natia ai ma le oliei sili ua fa'apolopolo e le Atua mo le taimi e te taliaina ai i latou i le alofa. Afai e mafai ona e malamalama po'o ai lea e fai mai ia te oe: *Aumai se vai ou te inu ai. Fa'alogoo! Lagona!* O le itula lena o lou fa'aolataga. O a'u nei o lo'o fai atu, o Lē ua finagalo e fa'amagalo oe, o Lē e sau ia te oe ma le alofa mutimutivale o lou Fa'aola. Sau! Lea ou te iinei!

FAITAUGA MO LE MASINA O MATI 2020

ASO 22 MATI ASO SA 4 O LE FAGAFULU:

Faitauga 1: 1 Samuelu 16: 1, 6 – 7, 10 – 13

Matua: Ua fa'au'uina Tavita ma tupu o Israaelu.

Salamo: 23: 1 – 3 (tali), 4 (tali), 5 (tali), 6 (tali)

Tali: O le Ali'i o lo'u leoleo mamoe o ia; e leai se mea 'ou te mativa ai.

Faitauga 2: Efeso 5: 8 – 14

Matua: Tula'i mai ia e ua oti, ona fa'amalamalama mai lea o Keriso iā te oe.

Fuaiupu o le Evagelia: Ua fetalai mai lesu, o a'u nei o le malalamalama o le lalolagi; o lē mulimuli mai iā te a'u e iā te ia le malalamalama ole ola.

Evagelia: Ioane 9: 1 – 41

Matua: Ua alu o ia, ua mulumulu, ua toe fo'i mai, ua va'ai.



Tofitofiga O le Upu:

O le fa'atusa o le malalamalama ma le mafai ona āti le va'aia e ala i faitauga uma o le asō. Ae o le mafai ona va'ai tino e lē o le malosi lea o nei faitauga. O le fa'amamafaina ua faia o le mafai lea ona va'ai i le malalamalama o le Atua. O le fa'amaloloina va'aia o le tamaloa na fanau mai e tauaso ua toe fa'amatalaina ua fa'atauva'a ma pu'upu'u, ae o lona sau e va'ai lesu – o le fatu lenā o le Evagelia. O lenei ali'i sa feagai atu ma lu'itau mai le motu o tagata ma le 'au Farasaio- ma na ia faia e aunoa ma se lagolagosua a se isi – e o'o lava i ona matua. O se va'aiga uiga 'ese ona o le auala na tuli 'ese ai lea tagata tauaso na mafua ai ona ia 'iloa' o ai lesu. Sa ia amata i le ta'u atu i le motu o tagata o se 'ali'i e igoa iā lesu'. Ina ua fa'amasinoina e le 'au Farasaio, sa ia ta'u atu iā i latou o lesu o le Perofeta. Ina ua latou lu'i iā te ia fa'alua, sa ia fa'ailoa o ia lava o se so'o, ma ina ua tuli'esea sa ia toe feiloa'i atu iā lesu ma faia se folafolaga o le fa'atuatua: 'Le

Ali'i e, ua ou fa'atuatua lava'. Ona ifo ai lea o ia iā lesu. Ua fa'aoga e Ioane lea feilao'iga e fa'amatala ai pe fa'apefea i tagata ona o mai ina ia iloinaina lesu ma fa'ailoa o ia – e aofia ai se fa'agasologa faifai malie ma aga'i atu i ni fete'egaiga, ae i lona fa'ai'uga lava ua mafai ai ona aumai so'o ina ia malalamalama. O le malalamalama lea o lo'o talanoa mai ai Paulo i le 'au Efeso. O le malalamalama ole fa'atuatua ua mafai ai e se tasi ona va'ai – ma le faitauga mai le tusi muamua a Samuelu ua fa'amanatu mai ai iā i tatou o le va'aia ile auala a le Atua e mafai ona 'ese mai le va'ai e pei ona va'ai i ai le lalolagi. I lenei vaitau o le Fagafulu ua lagolagosua ai fa'apotopotoga i le 'au katekume, ina ia fa'apea i latou ona mafai ona va'ai i auala e va'ai ai le Atua ma maitauina o ai lesu, ma ina ua maitauina lenā, e mafai ona mulimuli iā te ia o se so'o, fa'atasi ai ma le ali'i na fanau mai e tauaso folafola i lenā fa'apotopotoga: 'Le Ali'i e, ua ou fa'atuatua lava'.

Metitasio Aso Sa 22 Mati 2020

Fa'amalolo o tatou Tauaso

Na va'aia e le Tamā i lenei fa'amalologa le fa'aaauauga tu'usa'o o le foaoaga o Atamu. I le amataga, ua latou fai mai, na faia e le Atua le tino mai le eleele ma mānava i ai totonu le mānava o le ola. O lenei, i le atoaga o taimi, na faia ai le Upu ma tagata, le lima taumatau o le Tamā ma le Foaoa, ua sau e fa'amalolo i le tagata ua fa'atauasoina e le pouliuli o Satani. Ma, atonu e leai se masalosalo, e leai se mea sei vagana ai le fa'aaauauna o lena uluui galuega ... na ave e lesu sina vaega o le "palapala o le eleele," ma faia ai se potoi-palapala, ma nini ai mata o le tagata tauaso. O le Atua liutino-tagata na ia fa'asū le palapala i ona faua. O mea o le lagi ma mea a le lalolagi, mea fa'ale-lalolagi ma le ola o le Atua, na tu'u fa'ata-

sia e faia ai le tagata ma toe fa'afouina ai. Ae o le vaega lona tolu, o le foaoaga fou moni lea, o le fa'amamaina mai mea ua tuai, mai le leaga o le agasala, o le fa'amalologa mai le tauaso o le agasala e pei ona tu'uina mai ia i tatou, o le vai, o le fa'ailoga lea o le papatisoga ...

O le fa'ama'i o le suavai e maua mai i le tagata, o lona lepela ma lona tauaso. O le igoa o lenei vaitaele e fa'ailoa ai le uiga natia o lenei vai. E ta'ua o le Missus, o Lē na auina mai. O Keriso lava ia, o le Mesia lea na auina mai e le Tama, o le vaitaele, e pei o ia o le vaiola e fa'atumuina le vaieli o lona Eklesia lea; o lona toto na tafe mai luga o le koluse o le vai e fa'amalolo ai le tagata, ua ma'i ma tauaso i le agasala. O le maliu o Keriso o lona papatisoga lea mo le fa'amagaloina o le agasala ma le malalamalama'aga o lona mafaufau. E maua ai le ola maloloina ma le mala-

malama mamā mai le agasala ma le fa'atuuatua. "Na ou alu ma taele ma ou va'ai ma ou maua ai le fa'atuatua i le Atua" o le tala fiafia lea a le tagata na fanau mai o tauaso i le agasala a Atamu a'o lea ua fa'amaloloina....

E lē mafai e le Eklesia ona fa'ailoa atili atu i se taimi vave pe tu'usa'o foi lona talitonuga loloto i le auai lea i le gaoioiga lavea'i o le foaoaga fou, pe a ia fa'atinoina le Misasa ... o lo'o i ai Keriso, o lo'o ia umia le eleele lea e fa'amaloloina i ona lima: o lona tino paia lea, o lona tino fa'aletagata, le tino fa'ale-lalolagi. O le vaitaele fa'amisitelo o Seloe o lo'o suia e le kalise, i lona suāvai alegatā ma le toto mai le manu'a o le itu na fa'asatauroina. Ua saunia mea uma mo le fa'amalologa ma le malalamalama'aga. Ma o tatou na fananau tauaso o lo'o i ai i'na. I le Papatisoga ua tatou maua moni ai lenei va'aiga.



FAITAUGA MO LE ASO SA MUAMUA O APERILA 2020

ASO 5 APERILA—ASO SA O LE PALEMA:

Faitauga 1: Isaia 50: 4—7 Matua: 'Ou te le'i ufiufi o'u mata le mā ma le feanu

Salomo: 22: 7 – 8 (tali), 16 – 17 (tali), 18 – 19 (tali), 22 – 23 (tali) Tali: Lo'u Atua e, lo'u Atua e, se a ea le mea ua e tu'ulafoa'i mai ai iā te a'u?

Faitauga 2: Filipi 2: 6 – 11 Matua: Ua fa'amaulalo o ia e ia lava; o le mea lava lea ua matuā fa'aeaina ai o ia e le Atua.

Fuaiupu o le Evagelia: Ua 'ana'ana Keriso mo i tatou ua o'o ina maliu, o le maliu lava lea i le koluse. O le mea lava lea ua matuā fa'aeaina ai o ia e le Atua, ma foa'iina atu ai iā te ia o le suafa e silisili i suafa uma lava.

Evagelia: Mataio 26: 14 – 75; 27: 1 – 26 Matua: E alu lava le Atali'i o le tagata e pei ona tusia ia te ia, a o le tagata na te fa'alataina le Atali'i o le tagata, oī talofa ia te ia.

FA'ASOLOGA O MISASA SAMOA MO MATI 2020

18

1 st Sunday			
1 Mati 2020	08.30am	Strathmore	Patele Tuli
	11.30am	Titahi Bay	Patele Tuli
2 nd Sunday			
8 Mati 2020	11.30 am	Naenae	Patele Tuli
	12.00 pm	Taita	Patele Maleko
3 rd Sunday			
15 Mati 2020	11.00 am	Newtown	Patele Maleko
	11.00AM	Wainuiomata	Patele Tuli
	11.00 am	Porirua	Patele Andrew
4 th Sunday			
22 Mati 2020	11.00 am	Lower Hutt	Patele Tuli
	11.30 am	Stokes Valley	Patele Maleko

MATI KALENA

Mati	Gafua	2
Mati	To'ona'i	6
Mati	To'ona'i	14
Mati	Sa	22
Mati	To'ona'i	28

Aso Gafua 2 Mati: Fonotaga Autalavou @ 6:30pm

Aso To'ona'i 6 Mati: Tafaoga Aoga Aso Sa

Aso To'ona'i 14 Mati: Mission Expo @ Viard College

Aso Sa 22 Mati: Youth Rally @ Petone

Aso To'ona'i 28 Mati: Semina Aulotu Newtown

Mikaele Teofilo:



m.teofilo@wn.catholic.org.nz



021 0818 5037



+64 4 496 1707



PO Box 1937, Wellington 6140, New Zealand